



水經注釋卷三

河水三

河水又北過北地富平縣西

河側有兩山相對水出其間即上河峽也世謂之為青

山峽河水歷峽北注枝分東出一清按太平寰宇記慶

箭筈嶺與青山相連互有馬嶺州樂蟠縣馬嶺山俗名

牧地也有漢水出縣西北注水經云與青山合今本無

之樂蟠縣漢水出縣西北注水經云與青山合今本無

故屬安定有密界青山中水所出也續志北地郡參巒縣

北部都尉治縣城尉一清按漢志北地郡富平縣北地郡

水經注釋

卷三

河水三

仁和趙一清誠夫錄



道元王莽名郡為威戎縣曰特武建武中曹鳳字仲理  
誤也北地太守政化尤異黃龍應於九里谷亭岡亭角長  
三尺大十圍稍至十餘丈天子嘉之賜帛百匹加秩中  
二千石河水又北逕薄骨律鎮城城在河渚上赫連果  
城也桑果餘林仍列州上但語出戎方不究城名訪諸  
耆舊咸言故老宿彦言赫連之世有駿馬死此取馬色  
以為邑號故曰城為白口驪韻轉之謬遂仍今稱所未  
詳也一清按漢志北地郡靈州縣有河奇苑號非苑師  
之州隨水高下未嘗淪沒故號靈州又曰河奇也二苑  
皆無北馬方輿紀要漢靈州縣其後赫連夏據其地後  
魏主燾滅之太延二年置薄骨律鎮在河渚上孝昌中  
改置靈州初在河北後於果園所築城為州治駿馬之

稱或因漢牧苑而得也寰宇記薄骨律渠在迴樂河  
縣南六十里溉田一千餘頃迴樂縣即漢富平縣地  
水又北逕朔方郡弘靜鎮典農東引此注太平寰宇記  
也隋圖經云弘靜縣本漢城居河外三里乃舊弘靜縣非  
律鎮倉城也後魏立弘靜鎮徙關東漢人以充屯田則  
縣是周隋之世謂之胡城又北逕上河城東世謂之漢  
際所置也

農都尉所治也庖林曰漢書馮參為上河農都尉百官  
時邊郡置農都尉儀曰農都尉治民御覽引魏郡志武帝  
都尉注引漢官儀曰農都尉治民御覽引魏郡志武帝  
公置典農中郎將秩二千石然則漢官無農都尉至當  
校尉秩比二千石然則漢官無農都尉至當  
尉及注作典農中郎將秩二千石然則漢官無農都尉至當  
條蔚宗亦換一農皆非梁統傳光武拜梁騰酒泉更耳農  
也然而御覽有所疑者裴略之文則見於大司農之漢官儀一都  
水經注卷之三

謙表陳登為典農校尉則在曹氏之先已有河水又北

典農之稱矣此與厄林所引范書可參証也

運典農城東俗名之為呂城皆參所屯以事農此河水

又東北運廉縣故城東王莽之西河亭地理志早移在

西北河水又北與枝津合水受大河東北運富平城所

在分裂以溉田圃北流入河今無水爾雅曰澶反入言

河決復入者也河之有澶若漢之有潛也河水又東北

運渾懷障西地理志曰渾懷都尉治塞外者也一清按

地郡富平縣渾懷都尉治塞外渾懷障太和初三齊平從歷下民居此遂

有歷城之名矣南去北地三百里河水又東北歷石崖

山西去北地五百里山石之上自然有文畫若獸馬之

狀粲然成著類似圖焉故亦謂之畫石山也

又北過朔方臨戎縣西

河水東北運三封縣故城東漢武帝元狩三年置十三

州志曰在臨戎縣西一百三十里河水又北運臨戎縣

故城西漢元朔五年立舊朔方郡治一清按續志云凡

治也此是王莽之所謂推武也河水又北有枝渠東出

謂之銅口東運沃壑縣故城南漢武帝元狩三年立王

莽之綏武也枝渠東注以溉田所謂智通在我矣河水

又北屈而為屠申澤南河出焉河水又北迤西溢于窟

渾縣故城東漢武帝元朔二年開朔方郡以縣為西部

水經注卷三

河水三

都尉治有道自縣西北出雞鹿塞王莽更郡曰溝搜縣  
曰極武其水積而為屠申澤澤東西一百二十里故地  
理志曰屠申澤在縣東即是澤也關駟謂之窳渾澤矣

### 屈從縣北流

河水又屈而東流為北河東逕高關南史記趙武靈王  
既襲胡服自代並陰山下至高關為山下有長城長城  
之際連山刺天其山中斷兩岸雙闕峩然雲表望若闕  
焉即狀表目故有高關之名也自關北出荒中關口有  
城跨山結局謂之高關戍上古迄今常置重捍以防之  
塞道漢元朔四年衛青將十萬人敗右賢王於高關即

此處也河水又東逕臨河縣故城北漢武帝元朔三年

封代恭王子劉賢為侯國全氏曰代恭王子皆封西河

按西河近代宜是也王莽之監河也漢武帝元朔二年

大將軍衛青絕梓嶺梁北河是也

### 至河目縣西

河水自臨河縣東逕陽山南漢書注曰陽山在河北指

此山也東流逕石跡阜西是阜破石之文悉有鹿馬之

跡故斯阜納稱焉南屈逕河目縣在北假中地名也自

高關以東夾山帶河陽山以西皆北假也史記曰秦使

蒙恬將十萬人北擊胡渡河取高關據陽山北假中是

也北河又南合南河上承西河東逕臨戎縣故城北又東逕臨河縣南又東逕廣牧縣故城北有東部都尉治王莽之鹽官也逕流二百許里東會于河河水又南逕馬陰山西漢書音義曰陽山在河北陰山在河南謂是山也而即實不在河南史記音義曰五原安陽縣北有馬陰山今山在縣北言陰山在河南又傳疑之非也余按南河北河及安陽縣以南悉沙阜耳無他異山故廣志曰朔方郡北移沙七所而無沙以擬之是義志之僻也陰山在河東南則可矣河水又東南逕朔方縣故城東北詩所謂城彼朔方也漢元朔二年大將軍衛青取

河南地為朔方郡使校尉蘓建築朔方城即此也王莽以為武符者也一清按寰宇記夏州朔方縣下引水經注曰有濛水紫河合金河而南流初學記引水經注云朔方郡有濛水紫河合金河而南流初學記引志曰高居誨使于關是也方輿紀要云紫河在大同府西河塞外杜佑曰天關是也方輿紀要云紫河自馬邑郡善無縣流入境合五原金津濟即金河魏道武按地理志云帝擊劉衛辰自五原金津濟即金河魏道武按地理志云金連鹽澤青鹽澤並在縣南矣又按魏土地記曰縣有大鹽流其鹽大而青白名曰青鹽又名戎鹽入蔡分漢置典官鹽池去平城宮千二百里在新秦之中服虔曰新秦地名在北方千里如淳曰長安以北朔方以南也薛瓚曰秦逐匈奴收河南地徙民以實之謂之新秦也

屈南過五原西安陽縣南

河水自朔方東轉逕渠搜縣故城北地理志曰朔方有

渠搜縣中部都尉治王莽之溝搜亭漢書落亭字也禮

三朝記曰北發渠搜南撫交趾此舉北對南禹貢之所

云析支渠搜矣禹貢錐指曰傳同叔云陸氏曰漢志朔

以余考之漢朔方郡有渠搜非此所謂渠搜此亦當是金

城以居朔方也後世種落遷徙故漢有居朔者若禹時

渠搜以西朔方則不應浮積石陸說非也按水經河水自

朔方東轉逕渠搜縣故城北禹貢之禮云析支渠搜矣誤

始道元而陸氏因之大戴禮漢武紀並有析支渠搜語渠

搜與交趾對舉不在朔方可知涼土異物志曰古渠

五國在宛北界隋書西域傳曰鏖汗國都葱嶺之西

渠搜之餘在古渠搜國也

河水又逕西安陽縣故城南王

莽更之曰漳安矣河水東逕田辟城南地理志曰故西

部都尉治也

屈東過九原縣南

河水又東逕成宜縣故城南王莽更曰艾虜也河水又

東逕原亭城南關駟曰十三州志曰中部都尉治一清

亭今本漢書作原高疑彼文為誤蓋中部治原亭西部

治田辟與壁同城障之名二語皆孟堅自註道元不

州志曰下別有闕語而今缺失矣河水又東逕宜梁縣

之故城南關駟曰五原西南六十里今世謂之石崖城

河水又東逕朔陽城南東部都尉治一清按漢志此語

陽縣下反無之道元注于臨沃縣下重叙河水又東逕

朔陽縣故城南一地道而再見豈別是一城耶殆不可曉

水經注卷三

也又東逕河陰縣故城北又東逕九原縣故城南秦始皇  
皇置九原郡治此漢武帝元朔二年更名五原也王莽  
之獲降郡成平縣矣西北接對一城蓋五原縣之故城  
也王莽之填河也亭也竹書紀年云魏襄王十七年邯  
鄲命吏大夫奴遷於九原又命將軍大夫適子戌吏皆  
駱服矣其城南面長河北背連山秦始皇逐匈奴並河  
以東屬之陶山築亭障為河上塞徐廣史記音義曰陶  
山在五原北即此山也一清按史記始皇紀云西北斥  
陰山以為三十六縣城河上為塞徐廣曰五原山在  
北蒙恬傳曰於是渡河據陽山在河北陶山似是陰山  
北有陰山陰山又在河南陽山在河北陶山似是中道  
之誤始皇紀云又使蒙恬渡河取高闕陶山北假中道

元以陰山不在河南既於史記之文無碍陰陶字形相  
似故耳非別有一陶山也劉向七略古文或誤以見為  
典以陶為陰始皇二十四年表是三十三年起自臨洮  
如此類多始皇二十四年表是三十三年起自臨洮  
東暨遼海西並陰山築長城及開南越地晝警夜作民  
勞怨苦故楊泉物理論曰秦始皇使蒙恬築長城死者  
相屬民歌曰生男慎勿舉生女哺用舖不見長城下尸  
骸相支柱其冤痛如此矣蒙恬臨死曰夫起臨洮屬遼  
東城塹萬餘里不能不絕地脈此固當死也

又東過臨洮縣南

王莽之振武也河水又東枝津出焉河水又東流石門  
水南注之水出石門山地理志曰北出石門障即此山



也西北趣光祿城

一清按漢志五原郡柰陽縣北出石門障得光祿城又西北得支龍城又

西北得頭曼城又西北得宿虜城甘露三年呼韓邪單于還詔

遣長樂衛尉高昌侯董忠車騎都尉韓昌等將萬六千

騎送單于居幕南保光祿徐自為所築城也故城得其

名矣城東北即懷朔鎮城也其水自障南流逕臨沃城

東東南注於河河水又東逕朔陽縣故城南王莽之固

陰也地理志曰自縣北出石門障河水決其西南隅又

東南枝津注焉水上承大河於臨沃縣東流七十里北

溉田南流二十里注於河河水又東逕塞泉城南而東

注

又東過雲中槓陵縣南又東過沙南縣北從縣東屈南過沙陵縣西

大河東逕咸陽縣故城南王莽之賁武也河水屈而西

流白渠水注之水出塞外西逕定襄武進縣故城北西

部都尉治王莽更名伐蠻世祖建武中封趙慮為侯國

也白渠水西北逕成樂固北郡國志曰成樂故屬定襄

也魏土地記曰雲中城東八十里有成樂城今雲中郡

治一名石盧城也白渠水又西逕魏雲中宮南魏土地

記曰雲中宮在雲中縣故城東四十里白渠水又西南

逕雲中縣故城南故趙地虞氏記曰趙武侯自五原河

曲築長城東至陰山又於河西造大城一箱崩不就乃  
 改卜陰山河曲而禱焉畫見羣鵠遊於雲中能徊經日  
 見大光在其下武侯曰此為我乎乃即於其處築城今  
 雲中城是也秦始皇十三年立雲中郡縣曰遠服矣清  
 按漢志雲中郡秦置莽曰受降雲中白渠水又西北逕  
 縣莽曰遠服今注云云有缺失矣  
 沙陵縣故城南王莽之希恩縣也其水西注沙陵湖清  
 按漢志定襄郡武進縣白渠又有荒干水出塞外南逕  
 水出塞外西至沙陵入河  
 鍾山山即陰山故即中侯應言於漢曰陰山東西千餘  
 里單于之苑囿也自孝武出師攘之於漠北匈奴失陰  
 山過之未嘗不哭謂此山也其水西南逕武臯縣王莽

之永武也又南逕原陽縣故城西又西南與武泉合其  
 水東出武泉縣之故城西南縣即王莽之所謂順泉者  
 也水南流又西屈逕北與縣故城南按地理志曰五原  
 有南與縣王莽之南利也故此加北舊中部都尉治十  
 三州志曰廣陵有與故此加北疑太疎遠也其水又西  
 南入荒干水西南逕白道南谷口有城在右側帶長城  
 背山面澤謂之白道城自城北出有高阪謂之白道嶺  
 沿路惟土穴出泉挹之不窮余每讀琴操見琴慎相和  
 雅歌錄云飲馬長城窟及其阪板陟斯途遠懷古事始知  
 信矣非虛言也一清按李善文選注引麴善長水經注  
 曰余至長城其下往往有泉窟飲可馬

古詩飲馬長城窟行信不虛也蓋顧瞻左右山椒之上  
隱括其辭此引書抄變之例也  
有垣若頽基焉沿谿五嶺東西無極疑趙武靈王之所  
築也荒干水又西南逕雲中城北白道中谿水注之水  
發源武川北塞外中其水南流逕武川鎮城城以景明  
中築以禦北狄矣其水西南流歷谷逕魏帝行宮東世  
謂之阿計頭殿宮城在白道嶺北阜上其城員角而不  
方四門列觀城內惟臺殿而已其水又西南歷中谿出  
山西南流於雲中城北南注荒干水流干水西出塞外  
懷朔鎮東北荒中南流逕廣德殿西山下余以太和十  
八年從高祖北巡屆於陰山之講武臺臺之東有高祖

講武碑碑文是中書郎高聰之辭也自臺西出南上山

山無樹木惟童阜耳即廣德殿所在也其殿四柱兩厦

堂宇綺井圖畫奇禽異獸之象殿之西北便得焜煌堂

雕楹錢楠取狀古之温室也其時帝幸龍荒遊鸞漠北

南秦王仇池楊難當捨蕃委誠重譯拜闕陛見之所也

故殿以廣德為名魏太平真君三年刻石樹碑勒宣時

事碑頌云肅清帝道振攝四荒有蠻有戎自彼氐羌無

思不服重譯稽顙恂恂南秦斂斂推亡岷岷廣德奕奕

焜煌侍中司徒東郡公崔浩之辭也碑陰題宣城公李

李伯尚書盧遐等從臣姓名若新錢焉其水歷谷南出

陰山西南入荒干水荒干水又西南注沙陵湖一清按漢志定襄郡城武臯縣荒干水

出塞外西至沙陵入河湖水西南入於河河水南入楨

陵縣西北緣胡山歷沙南縣東北兩山二縣之間南出

余以太和中為尚書即從高祖北巡親所運涉縣在山

南王莽之楨陸也北去雲中城一百二十里縣南六十

許里有東西大山山西枕河河水南流脈水尋經殊垂

川去之次似非關究也

又南過赤城東全氏曰胡三省云後魏明元帝泰常八年

延袤二千餘里即此城也但考登國二年赤城西至五原

東赤城疑有兩赤城而今不可考矣一清按顧景范曰赤

城堡在萬全指揮司東北二百里其地相傳蚩尤所居後

魏主珪登國二年幸廣寧遂如赤城神瑞二年復如赤城

此東赤城也司治即今宣化府史云幸廣寧遂如赤城其

為東赤城無疑東赤城見沽水篇注河水所運之赤城在

朔州又南過定襄桐過縣西

定襄郡漢高帝六年置王莽之得降也桐過縣王莽更

名椅桐者也河水於二縣之間濟有君子之名一清按

雲州雲中縣下引冀州圖經曰雲中郡南有君子津即

大河之津又勝州河濱縣下云本漢沙南縣地有君子

津引水經注云云今注云河本漢沙南縣地有君子

間似指雲中之沙南定襄之桐過而言也昔漢桓帝十

三年西幸榆中東行代地洛陽大賈齎金貨隨帝後行

夜迷失道往投津長日子封送之渡河賈人卒死津長

埋之其子尋求父喪發冢舉尸資囊一無所損其子悉

為君子濟濟在雲中城西南二百餘里  
 一臨雲夢乘輿不屆榆中且京雒宅中代必非為東  
 東地元號屢易紀年不為得十嘉君子之草是逐度  
 之主案魏收書以猗屯為桓帝幽并之西桑乾為左  
 沙漢而飲馬據參合津則桓即猗屯差無垂奕但猗  
 矣尋厥昆嗣屢遊斯一清又非佳證且桑氏已著濟名  
 統部止漢桓之先矣之言義猶未盡敢附窺虎之未以  
 則事在注混清方叔之言義猶未盡敢附窺虎之未以  
 濟名經注混清方叔之言義猶未盡敢附窺虎之未以  
 成析鄙河水又東南左合一水水出契吳東山西運故  
 之功  
 里南北俗謂之契吾亭其水又西流注於河河水又南  
 樹顏水注之昭一清按史記周本紀曰吾聞犬戎樹敦章  
 要云志云周穆王時犬戎樹敦居此有城在寧夏衛西  
 周涼州刺史史寧曰樹敦賀真二城吐谷渾之巢穴也  
 魏書地形志朔州神武郡領殊顏縣水出東山西南流  
 今注云樹顏蓋語出戎方音之異耳

右合中陵川水水出中陵縣西南山下北俗謂之大浴  
 山其水亦取名焉東北流運中陵縣故城東北俗謂之  
 北右突城王莽之遮害也十三州志曰善無縣南七十  
 五里有中陵縣世祖建武二十五年置一清按班志已  
 置自光武也司馬彪郡國志云定襄有中陵縣不應  
 郡中陵故屬雁門以言改隸則可耳其水又西北右合

一水水出東山北俗謂之貸敢山水又受名焉其水自  
 西北流注於中陵水又西北流運善無縣故城西王莽  
 之陰館也十三州志曰舊定襄郡治地理志曰雁門郡  
 治其水又西北流右會一水水出東山下北俗謂之吐

文水山又取名焉北流運鉏亭南西流運土壁亭南西

出峽左入中陵水又北分為二水一水東北流謂之沃水又東逕沃陽縣故城南北俗謂之可不塗城王莽之敬陽也又東北逕沃陽城東又東合可不塗水水出縣東南六十里山下西北流注沃水合流而東逕叅合縣南魏因叅合陁以即名也北俗謂之蒼鶴陁道出其中亦謂之叅合口陁在縣之西北即燕書所謂太子寶自河西還師叅合三軍奔潰即是處也魏立縣以隸涼城郡也西去沃陽縣故城二十里縣北十里有都尉城地理志曰沃陽縣西部都尉治者也北俗謂之阿養城其水又東合一水水出縣東南六十里山下北俗謂之災

豆渾水西北流注於沃水又東北流注鹽池地理志曰

鹽澤在東北者也今鹽池西南去沃陽故城六十五里

池水激渟淵而不流東西三十里南北二十里池北十

里即涼城郡治池西有舊城俗謂之涼城也郡取名焉

地理志曰澤有長丞此城即長城丞所治也城西三里

有小阜阜下有泉東南流注池北俗謂之大谷堆此水

亦受目焉中陵川水自枝津西北流右合一水於連嶺

北水出沃陽縣東北山下北俗名之烏伏真山水曰誥

升表河一清按晉書匈奴右賢王去早之子曰誥升表

魏書鐵弗劉虎南單于苗裔左賢王去早之孫

以人得名爰表音同通用故耳西南流逕沃陽縣左

合中陵川亂流西南與一水合北俗謂之樹顏水水出  
 東山下西南流右合誥升表水亂流西南注分為二水  
 左水枝分南出北俗謂之太羅河右水西逕故城南北  
 俗名之昆新城其水自城西南流注於河河水又南太  
 羅水注之水源上承樹顏河南流西轉逕武州縣故城  
 南一清按禹貢錐指云河水折而南逕廢東勝州東入  
北至黃河五里西至黃河二十里平鹵衛在山西大  
同府西少南二百里西四十里本漢雁門郡之武州縣隋唐  
以後為朔州地今山西朔州有武州城亦謂十三州志  
之河套魏收地形志恒州代郡領武州縣  
曰武州縣在善無城西百五十里北俗謂之太羅城水  
 亦藉稱焉其水西南流右水注之水導故城西北五十

里南流逕城西北俗名之曰故槃迴城又南流注太羅  
 河太羅河又西南流注於河河水又左得湍水口水出  
 西河郡美稷縣東南流東觀記曰郭伋細侯為并州牧

前在州素有恩德老小相携道路行部到西河美稷數  
 百小兒各騎竹馬迎拜伋問兒曹何自遠來曰聞使君  
 到喜故迎伋謝而發去諸兒復送郭外問使君何日還  
 伋計日告之及還先期一日念小兒即止野亭湏期至  
 乃往其水又東南流羌人因水以氏之漢冲帝時羌湍  
 奴歸化蓋其渠帥也其水俗亦謂之為遄波水東南流  
 入長城東鹹水出長城西鹹谷東入湍水又東南渾波

水出西北窮谷東南流注於湍水湍水又東逕西河富昌縣故城南王莽之富成也湍水又東流謂之湍口左合一水出善無縣故城西南八十里其水西流歷於呂梁之山而為呂梁洪其山巖層岫行澗曲崖深巨石崇竦壁立千仞河流激盪濤湧波襄雷奔電洩震天動地昔呂梁未闢河出孟門之上蓋大禹所闢以通河也司馬彪曰呂梁在離石縣西今於縣西歷山尋河並無過岨至是乃為河之巨嶮即呂梁矣在離石北以東可二百有餘里也一清按閻氏若璩古文尚書疏證曰道元石離石明之石州改名永寧州者是必求其地以實之永寧州東北則今靜樂嵐州之地西去黃河約二百里

無所謂河也土人欲以當以河曲縣西南二十五里而無所謂千仞巨石又南去離石四百餘里皆與鄰注不合當闕疑禹貢錐指曰呂梁即禹貢之梁山龍門次言呂梁其為夏陽之梁山無疑

又南過西河固陽縣東全氏曰漢志西河郡有固陽固水之陰因以為名也王莽改為方陰則本固字然觀善長所見之本却木之稱即舊名猶存但字變耳

西河郡漢武帝元朔四年置王莽改曰歸新固水出上郡白土縣固谷東逕其縣南地理志曰固水出西東入河王莽更曰黃土也東至長城與神御水合水出縣南

神御山夾山東出至長城入於固水又東逕鴻門縣



故鴻門亭地理風俗記曰圓陰縣西五十里有鴻門亭  
天封苑火井廟火從地中出圓水又東梁水注之水出  
縣西北梁谷東南流注圓水又東運圓陰縣北漢惠帝  
五年立王莽改曰方陰矣又東桑谷水注之水出西北  
桑谿東北流入於圓水又東運圓陰縣南東流注於  
河河水又東端水入焉水西出號山山海經曰其山木  
多漆稜其草多芎藭是多冷石端水出焉而東流注於  
河河水又南諸次之水入焉水出上郡諸次山山海經  
曰諸次之山諸次之水出焉是山多木無草鳥獸莫居  
是多象蛇其水東運榆林塞又謂之榆林山即漢書所

謂榆林谿舊塞者也自谿西去悉榆柳之藪矣緣歷沙陵  
屆龜茲縣西出故謂廣長榆也王恢云樹榆為塞謂此  
矣蘓林以為榆中在上郡非也按始皇本紀西北逐白

奴自榆中並河以東屬之陰山然榆中在全城東五十  
許里陰山在朔方東以此推之不得在上郡漢書音義

蘇林為是失也全氏曰按胡三省曰蘇林之說固未為  
許里亦非也衛青取河南通地案榆谿舊塞正在唐麟勝  
二州界其西則接古上郡之境况諸次水出上郡運榆  
林塞入河則榆林在道上郡之東明矣諸次水無西流至  
金城之理夷狄其故道上郡特以金城郡有榆中縣遂牽  
合之不如此誤其水東入長城小榆水合焉歷澗西北  
窮谷其源也又東合首積水水西出首積谿東注諸次

水又東入於河山海經曰諸次之水東流注於河即此水也河水又南湯水注之山海經曰水出上申之山上無草木而各多砾石下多榛楛湯水出焉東流注於河也

又南過離石縣西奢延水注之

水西出奢延縣西南赤沙阜東北流山海經所謂生水

出孟山者也郭景純曰孟或作明一清按八字注中注也西山經曰又北二百二十里曰孟山郭璞曰音于黃本說孟作孟有妄男者竊聞孟津之為盟津孟猪之為盟猪自矜所見為博因改郭注以就之而不其漢破

羌將軍段熲破羌於奢延澤虜走落川落川在南俗因

縣土謂之奢延水又謂之朔方水矣東北流逕其縣故

城南王莽之奢節也赫連龍昇七年於是水之北黑水

之南遣將作大匠梁公叱干阿利沈氏曰是年三月赫連改元鳳翔然後以

將作阿利領改築大城名曰統萬城蒸土加功雉堞雖久崇

墉若新并造五兵器既精利乃咸百鍊為龍雀大鏐號

曰大夏龍雀銘其背曰古之利器吳楚湛盧大夏龍雀

名冠神都可以懷遠可以柔通如風靡草威服九區世

甚珍之又鑄銅為大鼓及飛廉翁仲銅駝龍虎皆以黃

金飾之列於宮殿之前則今夏州治也奢延水又東北

與溫泉合源西北出沙谿而東南流注奢延水奢延水

又東黑水入焉水出奢延縣黑澗東南歷沙陵注奢延水奢延水又東合交蘭水水出龜茲縣交蘭谷東南流注奢延水奢延水又東北流與鏡波水合水源出南邪山南谷東北流注於奢延水奢延水又東逕膚施縣帝原水西北出龜茲縣東南流縣因處龜茲降胡著稱又東南注奢延水又逕膚施縣南秦昭王三年置上郡治漢高祖并三秦復以為郡王莽以漢馬員為增山連率歸世祖以為上郡太守師馬彪曰增山者上郡之別名也全氏曰朱謀璋曰漢志西河自有增山縣愚謂班固山不書王莽所改上郡之名是脫文意者莽即以增山之正不碍西河之別有增山縣也馬員字季主新息侯

援之兄也見後漢書本傳及章懷註東入五龍山地理志曰縣有五龍山

帝原水一清按漢志上郡膚施縣有四所自下亦為通稱也歷長城東出於赤翟白翟之中一清按赤翟在中山不又有平水出西北平谿東南入奢延水又東走馬水注之水出西南長城北陽周縣故城南橋山昔二世賜蒙恬死於此王莽更名上陵時山上有黃帝冢故也帝崩惟弓劍存焉故世稱黃帝仙矣其水東流昔段熲追羌出橋門至走馬川聞羌在奢延澤即此處也門即橋山之長城門也始皇令太子扶蘇與蒙恬築長城起自臨洮至於碣石即是城也其水流東北流入長城又東北

注奢延水又東與白羊水合其水出於西南白羊谿巡谿東北注於奢延水奢延水又東入於河山海經曰生水東流注於河河水又南陵水注之水出陵川北谿南逕其川西轉入於河河又南得離石水口水出離石北山南流逕離石縣故城西史記云秦昭王伐趙取離石者也漢武帝元朔三年封代共王子劉緡為侯國後漢西河郡治也其水又南出西轉逕隰城縣故城南漢武帝元朔三年封代共王子劉忠為侯國王莽之慈平亭也胡俗語訛尚有千城之稱其水西流於河也

又南過中陽縣西

中陽縣故城在東東翼汾水隔越重山不瀆於河也

又南過土軍西

吐京郡治故城即土軍縣之故城也胡漢譯言皆為訛

變矣其城員長而不方漢高帝十一年以封武侯宣

義為侯國一清按漢表云謚式此從史表縣有龍泉出

城東南道左山下牧龍川川上多產名駒駿同滇池天

馬其水西北流至其城東南土軍水出道左高山西南

注之龍泉又北屈逕其城東西北入於河河水又南合

契水傍谿東入窮谷其源也又南至祿谷水口水源東

窮此谿也河水又南得大蛇水發源谿首西流入河河

水又南右納辱水山海經曰辱水出於烏山其上多桑  
 其下多楮陰多鐵陽多玉其水東流注於河俗謂之秀  
 延水東流得浣水口傍谿西轉窮谿便即浣水之源也  
 秀延水又東會於根水西南谿下根水所發而東北注  
 秀延水又東南露趾水出西露谿東流又東北入秀延  
 水亂流注於河河水又南左合信支水水發源東露谿  
 西流入於河河水又南左會石羊水廵谿東入導源窮  
 谷西流注於河北一清按漢志西河郡穀羅縣武澤在西  
 後漢建武二十八年武澤本曰武虎澤唐人避諱改之  
 此澤也胡三省曰虎澤應南匈奴居西河美稷之北避諱改之  
 鎮之東北而是注無聞焉

又南過上郡高奴縣東

域谷水東啟荒原西歷長谿西南入於河河水又南合  
 谿口水出孔山南歷谿西流注於河孔山之上有穴如

車輪三所東西相當相去各二丈許南北直通故謂之

孔山也山在蒲城西南三十餘里河水又右會區水山

海經西次四經之首曰陰山西北百七十里曰申山其

上多穀柞其下多柎樞其陽多金玉區水出焉而東流

河於河世謂之清水清水出上郡東流入於長城運老

人山下又東北流至老人谷傍水北出極谿便得水源

清水又東得龍尾水出水出北地神泉障北山龍尾谿

東北流注清水又東會三湖水水出南山三湖谷東北  
 流入清水清水又東逕高奴縣合豐林水地理志謂之  
 洧水也故言高奴縣有洧水肥可難漢一清按俗本水上  
 有肥可接取用之博物志稱酒泉延壽縣南山出泉水  
 大如管注地為溝水有肥如肉汁取著器中始黃後黑  
 如凝膏然極明與膏無異膏車及水碓缸甚佳彼方人  
 謂之石漆水肥亦所在有之止高奴縣洧水也項羽以  
 封董翳為翟王居之三秦此其一也漢高祖破以縣之  
 王莽之利平矣民俗語訛謂之高樓城也豐林川長津  
 瀉注北流會洧水又南奚谷水注之水西出奚川東

南流入洧水又東注於河河水又南逕蒲川石樓山南  
 逕蒲城東即重耳所奔之處也又南歷蒲子縣故城西  
 今大魏之汾州治徐廣晉紀稱劉淵自離石南移蒲子

者也關駟曰蒲城在西北漢武帝置其水南出得黃盧  
 水口東出歷蒲子城南東北入黃盧谷極豁便水之源  
 也又南合紫川水水出東北紫川谷西南合江水江水  
 出江谷西北入紫川水紫川水又西北入蒲水蒲水出  
 石樓山下又西南入於河河水又南黑水出定陽縣西  
 山二源奇發同瀉一壑東南流逕其縣北又東南流右  
 合定水俗謂之白水也水西出其縣南山定水谷東逕

定陽縣故城南應劭曰縣在定水之陽也定水又東注於黑水亂流東南入於河

南流至其終水又東南流於

黑水亂流東南入於河

南流至其終水又東南流於

黑水亂流東南入於河

南流至其終水又東南流於

黑水亂流東南入於河

南流至其終水又東南流於

水經注釋卷三

水經注釋卷四

河水四

河水又南過河東北屈縣西

河水南運北屈縣故城西十里有風山上有穴如輪風

氣蕭瑟習常不止當其衝飄也而略無生草蓋常不定

象風之門故也風山西四十里河南孟門山與龍門山

相對山海經曰孟門之山其上多金玉其下多黃堊涅

石淮南子曰龍門未闢呂梁未鑿河出孟門之上大溢

逆流無有丘陵高阜滅之名曰洪水大禹疏通謂之孟

仁和趙一清誠夫錄

門故穆天子傳曰北升孟門九河之隘孟門即龍門之上口也實為河之巨阨兼孟門津之名矣此石經始禹鑿河中漱廣夾岸崇深傾崖返捍巨石臨危若墜復倚古之人有言水非石鑿而能入石信哉其中水流交衝素氣雲浮往來遙觀者常若霧露沾人窺深悸魄其水尚崩浪萬尋縣流千丈渾洪聳怒鼓若山騰濬波頽疊迄於下口方知慎子下龍門流浮竹非駟馬之追也又有燕完水注之異源合舍西流注河河水又南得鯉魚水歷澗東入窮溪首便其源也爾雅曰鱣鮪也出鞏穴三月則上渡龍門得渡為龍矣否則點額而還非夫往

還之會何能便有茲稱乎河水又南羊求水入焉水東出羊求川西逕北屈縣故城南城即夷吾所奔邑也王莽之朕北也汲郡古文曰翟章救鄭次於南屈應劭曰有南故加北國語曰二五言於獻公曰蒲與二屈君之疆也其水西流注於河河水又南為采桑津春秋僖公八年晉里克敗狄于采桑是也

又南過皮氏縣西

赤水出西北罷谷川東謂之赤石川東入於河河水又南合蒲水西則兩源並發俱導一山出西河陰山縣王莽之山寧也陰山東麓南水東北與長松水合水出西



水經注卷四  
三陽山東東北流左入蒲水蒲水又東北與北溪會同  
為一川東北注河河水又南得丹水水出丹陽山東北  
逕冶官東俗謂之丹陽城城之左右猶有遺銅矣其水  
東北會白水口水出丹山東而西北注之丹水又東東  
北入河河水又南黑水西出丹山東而東北入於河河  
水又南至崕谷傍全氏曰下當有崕谷水四字東北窮澗水源所導  
也西南流注於河河水又南洛水自獵山枝分東派東  
南注於河昔魏文侯築館洛陰指謂是水也皮氏縣王  
莽之延平也故城在龍門東南不得延逕皮氏方屆龍  
門也

又南出龍門口汾水從東來注之

昔者大禹導河積石疎決梁山謂斯處也即經所謂龍

門矣魏土地記曰梁山北有龍門山一清按漢志左馮翊夏陽縣禹貢梁

山在西北龍門山在北大禹所鑿通孟津河口廣八十步巖際鑄

迹遺功尚存岸上並有廟祠祠前有石碑三所二碑文

字紊滅不可復識一碑是太和中立竹書紀年晉昭公

元年河水赤於龍門三里梁惠成王四年河水赤於龍

門三日京房易妖占曰河水赤下民恨河水又南右合

暢谷水水自溪東南流逕夏陽縣西北東南注於河河

水又南逕梁山原東原自山東南出至河晉之望也在

馮翊夏陽縣之西臨於河上山崩壅河三日不流晉侯  
 以此問伯宗即是處也春秋穀梁傳曰成五年梁山崩  
 遏河水三日不流召伯尊遇輦者不避使車右鞭之輦  
 者曰所以鞭我者其取道遠矣伯尊因問之輦者曰君  
 親編素率羣臣哭之斯流矣如其言而河流河水又南  
 岨谷水注之水出縣西北梁山東南流橫溪水注之水  
 出三累山其山層密三成故俗以三累名山按爾雅山  
 三成為崑崙五斯山豈亦崑崙乎山水際有二石室  
 蓋隱者之故居矣細水東流注於岨谷側谿山南有石  
 室西面有兩石室北面有二石室皆因阿結牖連局接

闔所謂石室相鉅也東廂石上猶傳杵臼之跡庭中亦  
 有舊宇處尚髣髴前基北坎室上有微涓石溜豐周瓢  
 飲似是栖遊隱學之所昔子夏教授西河疑即此也而  
 無以辨之一清按寰宇記相州安陽縣西河隋圖經云

儒學齊魯及鄒皆謂此為西河也城北故少梁也秦惠文王十一年更從今名矣王莽之  
 冀亭也其水東南流注於河昔韓信之襲魏王豹也以  
 木罌自此渡河水又南右合陶渠水水出縣西北梁山

東南流逕漢陽太守殷濟精廬南俗謂之子夏廟渠水  
 又南逕高門原南蓋層阜隳缺故流高門之稱矣一清按太

平襄字記同州韓城縣下引水經注云高門原南有層  
阜秀出雲表俗謂馬門原今本無之曹氏學佷名勝志  
引注云層阜相又東南逕華池南池方三百六十步在  
相承秀出雲表

夏陽城西北四里許故司馬遷碑文云高門華池在茲  
夏陽城西北漢陽太守殷濟精舍四里所今高門東去

華池三里渠水又東南逕夏陽縣故城南服虔曰夏陽

虢邑也在大陽東三十里城南朱氏謀犇箋曰春秋僖

陽杜元凱云下陽虢邑在河東大陽縣按漢志弘農陝

龍門在北則下陽夏陽兩地也公又歷高陽宮北又東

南逕司馬子長墓北墓前有廟廟前有碑永嘉四年漢

陽太守殷濟瞻仰遺文大其功德遂建石室立碑樹樹

桓太史公自叙曰遷生於龍門是其墳墟所在矣渠水  
東南流入河昔魏文侯與吳起浮河而下美河山之固  
即於此也河水又南徐水注之水出縣西北梁山東南

流逕漢武帝登仙宮東東南流絕疆梁原逕劉仲城北  
是漢祖兄劉仲之封邑也故徐廣史記音義曰郟陽國

名也高祖八年侯劉仲元年廣曰一名嘉則仲侯是其字  
索隱曰屬馮翊而漢諸侯表作郟陽王子侯代表作合

陽寰宇記冀州信都縣合陽城漢縣高帝時以侯代表  
棄國降為合陽侯後漢省并入扶柳舊地理書並王喜

在蓋今郡東界地理志是平原郡有合陽縣云侯國王  
曰宜鄉者也樂氏之記是為非矣又按名勝志引注云

而無姚武壁劉仲城北又逕姚武壁南今本僅有劉仲城  
姚武壁姚武壁蓋有脫失矣按武襄字記同州夏陽縣  
壁武壁姚武壁蓋有脫失矣按武襄字記同州夏陽縣

也其水東逕子夏陵北東入河河水又南逕子夏石室  
東南北有二石室臨側河崖即子夏廟室也

又南過汾陰縣西

河水東際汾陰縣隄縣故城在隄側漢高帝六年周昌  
為侯國魏土地記曰河東郡北八十里有汾陰城北去  
汾水三里城西北隅曰隄上上有后土祠封禪書曰元  
鼎四年始立后土祠於汾陰隄是也又有萬歲宮漢  
宣帝神爵元年幸萬歲宮東濟大河而神魚舞水矣昔  
趙簡子沈欒激朱氏謀埤笺曰呂氏春秋作欒激於此曰吾好聲色而  
是子致之吾好士六年不進一人是長吾過而絀吾善

君子以為能謹矣河水又逕郃陽城東周威烈王之十  
七年魏文侯伐秦還築汾陰郃陽即此城也故有莘邑  
矣為大妣之國詩云在郃之陽在渭之涘又曰纘女維

莘長子維行謂此也城北有漢水南去二水各數里其  
水東逕其城內東入於河又於城南側中有漢水東南  
出城注於河城南又有漢水東流注於河水南猶有文  
母廟廟前有碑去城一十五里水即郃水也縣取名焉  
故應劭曰在郃水之陽也河水又南漢水入焉水出汾  
陰縣南四十里西去河三里平地開源瀆泉上湧大幾  
如輪深則不測俗呼之為漢魁古人壅其流以為陂水

種稻東西二百步南北一百餘步一清按王氏存元豐漢水引冬溫夏冷清澈見底今本似有缺文與陽漢水夾河中渚上又有一漢水皆潛相通故呂忱曰爾雅異出同流為漢水一清按榮河縣本漢汾陰地僅錄呂忱字林數語致與經典全相乘迂爾雅郭注原文今河東汾陰縣有正失爾雅釋水漢大出尾下注云名之曰漢馮翊命有漢縣復有漢亦通在汾陰者人壅其流以為陂種稻呼其本出處為漢魁此是也尾猶底也其水西南流歷蒲坂西西流注於河河水又南逕陶城西舜陶河濱皇甫士安以為定陶不在此也然陶城在蒲坂城北城即舜所都也南去歷山不遠或耕或陶所

在則可何必定陶方得為陶也舜之陶也斯或一焉孟津有陶河之稱蓋從此始之南對蒲津關汲冢竹書紀年魏襄王七年秦王來見蒲坂關四月越王使公師隔來獻乘舟始罔及舟三百箭五百萬犀角象齒焉

又南過蒲坂縣西

地理志曰縣故蒲也王莽更名蒲城應劭曰秦始皇東

巡見有長坂故加坂也孟康曰晉文公以賂秦秦人還

蒲於魏魏人嘉曰蒲反矣故曰蒲反也薛瓚注漢書曰

秦世家以垣為蒲反然則本非蒲也全氏曰孟康解因

其皇甫謐曰舜所都也或言蒲坂或言平陽及漢者也

一清按舜都廣寧今直隸之懷來縣漢上谷郡之潘縣也師古曰音普拌反而胡三省通鑑註曰據水經注潘當作漢然其引皇甫士安之書則又云或言蒲阪或言潘可漢本水經已誤潘志為漢梅磧不能決擇所從徒啓後學之疑漢志續志晉志魏志皆作潘也見今城中漂水篇注蓋漢是夾河中階非可以建都也

有舜廟魏秦州刺史治太和遷都罷州立河東郡郡多流雜謂之徙民民有姓劉名墮者宿擅工釀採挹河流

醞成芳耐懸食同枯枝之年排於桑落之辰朱氏謀埤笺曰二語有鴆脫一清按宋李厚注東坡詩胡三省故酒得其名注通鑑引水經注語正同則知相沿已久

矣然香醕之色清白若滄漿焉別調氛氳不與佗同蘭薰麝遠自成馨逸一清按通鑑方土之貢選最佳酌矣

自王公庶友牽拂相招者每云索即有顧思同旅語索

即反語為桑落也更為籍徵之雋白中書之英談郡南有歷山也謂之歷觀舜所耕處有舜井媯汭二水出焉南曰媯水北曰汭水西逕歷山下上有舜廟周處風土記曰舊說舜葬上虞又記云耕於歷山而始寧剡二縣界上舜所耕田於山下多柞樹吳越之間名柞為楹故曰歷山余按周處此志為不近情傳疑則可證實非矣

安可假木異名附山殊稱彊引大舜即比寧懷全氏曰作寧壤寧與寧通即指舜都廣寧朱謀埤箋強引河內之寧城於舜何與又引媯州懷我縣之舜井以解懷字六朝何嘗有懷我之稱乎蓋謂以歷山更為失誌記之在東越猶之以廣寧之壤為歷山也

本體差實錄之常經矣歷山媯汭言是則安於彼垂矣

尚書所謂釐降二女於媯汭也孔安國曰居媯水之內  
 王肅曰媯汭虞地名皇甫謐曰納二女於媯水之內馬  
 季長曰水所出曰汭然則汭似非水名而今見有二水  
 異源同歸渾流西注入於河河水又南迳雷首山西山  
 臨大河北去蒲坂三十里尚書所謂壺口雷首者也俗  
 亦謂之堯山山上有故城世又曰堯城關駟曰蒲坂堯  
 都按地理志曰縣有堯山首山祠雷首山在南事有似  
 而非非而是千載眇邈非所詳耳又南涑水注之水出  
 河北縣雷首山全氏曰此別是河北縣之涑水非聞喜  
出東山黍葭谷注以爲至周也蓋聞喜之涑水經以爲  
識所云在陝州夏縣北四十里者是也河北之涑水則

雷水亦即陽安澗水地理通識所云在河中府臨晉縣  
 東十里者是也近地入而通識所云在河中府臨晉縣  
 接河西北涑水蒲坂一涑水入而通識所云在河中府臨晉縣  
 又與河西北涑水蒲坂一涑水入而通識所云在河中府臨晉縣  
 與河西北涑水蒲坂一涑水入而通識所云在河中府臨晉縣  
 之兩縣並引水所出也通識所云在河中府臨晉縣  
 虞鄉縣北五里我涑水入而通識所云在河中府臨晉縣  
 萬水徹所開自閼喜引流臨晉水入而通識所云在河中府臨晉縣  
 涑水諸水咸注之通識所云在河中府臨晉縣  
 小窄者出於人之力不通也通識所云在河中府臨晉縣  
 之多涑川則在於閼喜不辨也通識所云在河中府臨晉縣  
 一清而全氏之說甚在蒲坂蓋此水則至張陽而止所謂臨晉尾而  
 洗官宣汾而障大澤以遺迹故禹貢曰既修之於岳陽而止岳陽  
 是其官宣汾而障大澤以遺迹故禹貢曰既修之於岳陽而止岳陽  
 是張陽汾而障大澤以遺迹故禹貢曰既修之於岳陽而止岳陽  
 岳陽蓋汾而障大澤以遺迹故禹貢曰既修之於岳陽而止岳陽  
 業至唐乃溝而通之也通識所云在河中府臨晉縣  
 杜元凱之左傳成水四十年注云九水出河東聞喜  
 空注澤矣曰河成水四十年注云九水出河東聞喜

縣西南至蒲坂縣入河是二涑水本有相通之道杜故  
 云然杜又在鄰前惟其有道可通唐人乃得溝而合之  
 判然何以稱名合源乎縣北與蒲坂分山有夷齊廟闕  
 駟十三州志曰山一名獨頭山夷齊所隱也山南有古  
 冢陵柏蔚然攢茂工阜俗謂之夷齊廟也闕氏若塚四  
 記正義首陽山凡五所王伯厚改曾子書以為在蒲坂  
 舜都者得之莫徵信於鄰注然已兩說互存蓋莫能定  
 爾其水西南流亦曰雷水穆天子傳曰壬戌天子至於  
 雷首犬戎胡觴天子於雷首之阿乃獻良馬四六天子  
 使孔牙受之於雷水之干是也昔趙盾田首山食祁彌  
 明翳桑之下朱氏謀瑋筮曰左傳作提彌明全氏曰祁  
 史記則以翳桑餓人為祁彌明斯又善長即於此也涑  
 有意舍左用史義門所謂故以示博者也

水又西南流注於河春秋左傳謂之涑川者也俗謂之  
 陽安澗水

又南至華陰潼關渭水從西來注之

汲郡竹書紀年曰晉惠公十五年沈氏曰晉惠公以十  
 周襄王之十五年是年秦納重耳次年至秦穆公帥師  
 河上則周襄王之十六年也涑水篇誤同秦穆公帥師  
 送公子重耳涉自河曲春秋左氏傳公二十四年秦伯  
 納之及河子犯以璧授公子曰臣負羈紲從君廷於天  
 下臣之罪多矣臣猶知之而况君乎請由此亡公子曰  
 所不與舅氏同心者有如白水投璧於此子推哭曰天  
 開公子子犯以為功吾不忍與同位遂逃焉河水歷船



司空與渭水會漢書地理志曰舊京兆尹之屬縣也清一按既引漢志不當云舊也左丘明國語云華嶽本一山當河河水過

而曲行河神巨靈手盪脚蹋開而為兩今掌足之迹仍存華巖朱氏謀埠箋曰按巨靈事在薛綜西京賦注開引古語云云非左氏國語也此誤記耳

山圖曰有巨靈胡者偏得神元之道能造山川出河所

謂巨靈巖巖首冠靈山者也常有好事之人故升華嶽

而觀厥跡焉自下廟歷列栢南行十一里東迴三里至

中祠又西南出五里至南祠謂之北君祠諸欲升山者

至此皆祈請焉從此南入谷七里又屆一祠謂之石養

父母石龕木主存焉又南出一里至天井井栽容人穴

空迂迴頓曲而上可高六丈餘山上又有微涓細水流

入井中亦不甚沾人上者皆所由涉更無別路欲出井

望空視明如在室窺窻也出井東南行二里峻坂斗上

斗下降此坂二里許又復東上百丈崖升降皆須扳繩

挽葛而行矣南上四里路到石壁緣傍稍進運一百餘

步自此西南出六里又至一神全氏曰魏書地志每縣下皆載有祠但直作

神字疑是北人竟以神字當祠字耳緣生南人自祠善長則襲其方言或曰神或曰祠參用之名曰

胡趨寺神像有童子之容從祠南歷夾嶺廣裁三尺餘

兩廂懸崖數萬仞窺不見底祀祠有感則雲與之平然

後敢度猶須騎嶺抽身漸以就進故世謂斯嶺為搦嶺

矣度此二里便屆山頂上方七里靈泉二所一名蒲池  
西流注於澗一名太上泉東注澗下上宮神廟近東北  
隅其中塞實雜物事難詳載自上宮東北出四百五十  
步有屈嶺東南望巨靈手跡唯見洪崖赤壁而已都無  
山下上觀之分均矣河在關內南流潼激關山因謂之  
潼關獲水注之水出松果之山北流運通谷世亦謂之  
通谷水東北注於河述征記所謂潼谷水者也或說因  
水以名地也河水自潼關東北流水側有長坂謂之黃  
巷坂一作清按一坂傍絕澗涉此坂以升潼關所謂沂黃  
巷以濟潼關矣歷北出東嶠通謂之函谷關也遼岸天

高空谷幽深澗道之峽車不方軌號曰天嶮故西京賦  
曰巖嶮周固於帶易守所謂秦得百二并吞諸侯也是  
以王元說隗囂曰請以一丸泥東封函谷關圖王不成  
其弊足霸矣全氏曰按何焯曰函谷關蓋一地而

獻帝西幸出關猶在此新安漢武帝徙函谷關於新安  
潼關即是中岐公亦直謂函谷關巨防不為細事而史官  
失之是以前杜安縣下云魏明帝景初元年潼關特徙其地耳  
然通典於新安縣下云魏明帝景初元年潼關特徙其地耳  
請却函谷關於新安縣下云魏明帝景初元年潼關特徙其地耳  
下省函谷關於新安縣下云魏明帝景初元年潼關特徙其地耳  
移函谷關於新安縣下云魏明帝景初元年潼關特徙其地耳  
谷關然則潼關號大嶠於盧氏正始元年徙潼關於魏正始  
公前說未刊正而善長亦同此誤耳郭緣生記曰漢  
末之亂魏武征韓遂馬超連兵於此地今際河之西有

曹公壘道東原上曰李典營義熙十三年王師曾據此壘西征記曰沿路逶迤入函道六里有舊城城周百餘步北臨大河南對高山姚氏置關以守峽宋武王入長安檀道濟王鎮惡或據山為營或平地結壘為大小七營濱帶河嶮姚氏亦保據山原陵阜之上尚傳故跡矣關之直北隔河有層阜巍然獨秀孤峙阿陽世謂之風陵全氏曰史戴延之所謂風埵者也南則河濱姚氏之記作封陵營與晉對岸河水又東北玉澗水注之水南出玉溪北流逕皇天原西周固記開山東首上平博方可里餘三面壁立高千許仍漢世祭天於其上名之為皇天原上

有漢武帝思子臺又北逕閿鄉城西郡國志曰弘農湖縣有閿鄉全氏曰按師古曰閿本從曼許密反後誤作近致訛傳呼失其實也一清按後漢書鄭興傳云客授閿鄉章懷之註云閿音聞建安中改作閿今世但有聞音而許密反之音隱矣又李弘憲云閿古世謂之閿鄉水也魏尚書僕射閿鄉侯河東衛伯儒之故邑其水北流注於河河水又東逕閿鄉城南東與全鳩澗水合水出

南山北逕皇天原東述征記曰全節地名也其西名桃原古之桃林周武王克殷休牛之地矣西征賦曰咸徵名於桃園者晉太康地記曰桃林在閿鄉南谷中其水入河北注於河

又東過河北縣南

縣與湖縣分河蓼水出襄山蓼西谷南流注於河河水

又東永樂澗水注之水北出於薄山南流運河北縣故

城西故魏國也晉獻公滅魏以封畢萬卜偃曰魏大名

也萬後其昌乎後乃縣之在河之北故曰河北縣也今

城南西二面並去大河可二十餘里北去首山一十許

里處河山之間土地迫隘故魏風著十畝之詩也城內

有龍泉南流出城又南斷而不流永樂溪水又南入於

河余按中山經即渠豬之水也太史公封禪書稱華山

以西名山七薄山其一焉薄山即襄山也徐廣曰蒲坂

縣有襄山山海經曰蒲山之首曰甘棗之山共水出焉

而西流注於河東則渠豬之山渠豬之水出焉而南流

注於河如準封禪書二水無西南流河之理今診蓼水

川流所趣與共水相扶永樂溪水導源注於河又與渠

豬勢合蒲山統目總稱亦與襄山不殊故揚雄河東賦

曰河靈攬踢掌華蹈襄沈氏曰原賦作不華蹈襄蘓林

注云襄山在潼關北十餘里以是推之知襄山在蒲坂

蓼水即渠豬之水也河水自河北城南東逕芮城二城

之中有段干木冢干木晉之賢人也魏文侯過其門軼

其廬所謂德尊萬古芳越來今矣汲冢竹書紀年曰晉

武公元年尚一軍為人乘京荀人董伯皆叛匪直大荔故芮也此亦有焉全氏曰按大荔之戎亦名芮戎在北於秦種落蓋有居於臨晉者漢人遂合芮戎為伯之國而之謂臨晉即故大荔是大繆也惟善長稍辨之曰匪直大荔故芮也此亦有焉則二紀年又云晉武公七年為伯萬之母為姜逐萬萬出奔魏八年周師虢師圍魏取為伯萬而東之九年戎人逆芮伯萬於郊斯城亦或伯萬之故畫也河水又會槃澗水水出湖縣夸父山北逕漢武帝思子宮歸來望思臺東又北流入于河河水又東逕湖縣故城北昔范叔入關遇穰侯於此矣湖水出桃林塞之夸父山廣員三百仞武王伐紂天下既定

王及嶽瀆放馬華陽散牛桃林即此處也其中多野馬造父於此得驊騮綠耳盜驪之乘以獻周穆王使之馭以見西王母湖水又北逕湖縣東而北流入於河魏土地記曰弘農湖縣有軒轅黃帝登仙處黃帝採首山之銅鑄鼎於荆山之下有龍垂胡於鼎黃帝登龍從登者七十人遂昇於天故名其地為鼎胡荆山在馮翊首山在蒲坂與胡縣相連晉書地道記太康記並言胡縣也漢武帝改作湖俗云黃帝自此乘龍上天也地理志曰京兆湖縣有周天子祠二所故曰胡不言黃帝升龍也山海經曰西九十里曰夸父之山其木多椶櫚多竹箭

其陽多玉其陰多鐵其北有林焉名曰桃林其中多馬  
 湖水出焉北流注於河故三秦記曰桃林塞在長安東  
 四百里若有軍馬經過好行則牧華山休息林下惡行  
 則決河漫延人馬不得過矣河水又東合柏谷水水出  
 弘農縣南石隄山山下有石隄祠銘云魏甘露四年散  
 騎常侍征南將軍豫州刺史領弘農太守南平公之所  
 經建也其水北流逕其亭下晉公子重耳出亡及柏谷  
 卜適齊楚狐偃曰不如之翟漢武帝嘗微行此亭見饋  
 亭長妻故潘岳西征賦曰長傲賓於柏谷妻觀貌而獻  
 餐謂此亭也柏谷水又北流入於河河水又東右合門

水門水即洛水之枝流者也洛水自上洛縣東北於拒  
 陽城西北分為二水枝渠東北出為門水也門水又東  
 北歷陽華之山即華陽山海經所謂陽華之山門水出  
 焉者也又東北歷峽謂之鴻關水水東有城即關亭也  
 水西有堡謂之鴻關堡世亦謂之劉項裂地處非也余  
 按上洛有鴻臚園池是水津渠沿注故謂斯川為鴻臚  
 澗鴻關之名乃起是矣門水又東北歷邑川二水注之  
 左水出於陽華之陽東北流逕盛墻亭西東北流與右  
 水合右水出陽華之陰東北流逕盛墻亭東東北與左  
 水合即山海經所謂緡姑之水出於陽華之陰東北流

注於門水者也又東北燭水注之水有二源左水南出於衙嶺世謂之石城山其水東北流逕石城西東北合右水右水出石城山東北逕石城東東北入左水地理志曰燭水出衙嶺下谷開山圖曰衙山在函谷山西南是水亂流東注於緡姑之水二水悉得通稱矣歷澗東北出謂之開方口水側有阜名之方伯矣堆宋奮武將軍魯方平建武將軍薛安都等與建威將軍柳元景北入軍次方伯堆者也堆上有城即方平所築也又東北逕邑川城南即漢封竇門之故邑川受其名亦曰竇門城在函谷關南七里又東北田渠水注之水出衙山之

白石谷東北流逕故丘亭東是薛安都軍所從城也其水又逕鹿蹠山西山石之上有鹿蹠自然成著非人功所刊歷田渠川謂之田渠水西北流注於燭水燭水又北入門水水之左右即函谷山也門水又北逕弘農縣故城東城即故函谷關校尉舊治處也終軍棄繻於此燕丹孟嘗亦義動鷄鳴於其下可謂深心有感志誠難奪矣昔老子西入關尹喜望氣於此也故趙至與嵇茂齊書曰李叟入秦及關而歎亦言與嵇叔夜書及關尹望氣之所異說紛紛並未知所定矣漢武帝元鼎四年沈氏曰從關於新安縣以故關為弘農縣弘農郡治王是三年

莽更名右隊劉桓公為郡虎相隨渡河光武聞而善之其水側城北流而注於河河水於此有涇津之名說者咸云漢武微行柏谷過辱竇門又感其妻深識之饋既返玉階厚賞賚焉賜以河津令其鬻渡今竇津者是也故潘岳西征賦酬匹婦其已泰胡厥夫之謬官表豹之徒並以為然余按河之南畔夾側水濱有澗謂之涇津河北縣有涇水涇津其水南入於河河水故有涇津之名不從門始蓋事類名同故作者是之竹書穆天子傳曰天子自寘軫乃次於涇水之陽丁亥入於南鄭考其沿歷所鍾路直斯津以是推之知非因門矣俗或謂之

偃鄉澗水也河水又合左右二水其水二源疏引俱導

薄山南流會成一川其二水之內世謂之閑原言虞芮

所爭之田所未詳矣又南注於河河水右會谷水水出

南山北逕曹陽亭西陳陟遣周章入秦少府章却斬之

於此魏氏以為好陽晉書地道記曰亭在弘農縣東十

三里其水西北流入於河河水又東留水注之水出常

蒸之山西北逕曲沃城南又屈逕其城西北入河諸

注述者咸言曲沃在北此非也魏司徒崔浩以為地名

曲沃地名也余按春秋文公十三年晉侯使詹嘉守桃

林之塞處此以脩秦時以曲沃之官守之故曲沃之名



遂為積古之傳矣河水又東得七里澗澗在陝西七里故因名焉谷水自南山通河亦謂之曹陽坑是以潘岳西征賦曰行於漫瀆之口憇於曹陽之墟袁豹崔浩亦不非其地矣余按漢書昔獻帝東遷逼以寇難李傕郭汜追戰於弘農澗天子遂露次曹陽楊奉董承外與傕和內引白波李樂等破傕乘輿於是得進復來戰奉等大敗兵相連綴四十餘里方得達陝以是推之似非曹陽然以山海經求之菑曹字相類是或有曹陽之名也

王氏世懋讀史訂疑曰靈寶之東有澗直下黃河曰弘農澗一統志曰宗避英宗諱改為鴻蘆竊疑宋為太祖父諱弘殷耳何必并農字改之英宗初名及後更名俱不犯二字以為英宗者尤誤也後閱王得臣塵史始知

其大繆不然得臣曾修陝志云靈寶之西有澗曰洪溜渠沿注故謂斯川為鴻臚澗是知洪溜語之即灑然始悟當時修志名洪溜原非弘農所謂鴻臚者即得證水經八年古名弘農是當英宗前何嘗有弘農乎蓋陝州古名弘農是當英宗前何嘗有弘農乎近於弘農措大強解事遂以意傳會其說以為弘農故有習而非真子故拈出之雪斯澗之復謨其名今靈寶人亦稱順溜猶是以前之語也一者仍當為是實不然稱洪溜圍池在上洛縣上洛屬商州去陝言非也據鄜州注鴻臚為在弘農也後漢書獻帝紀云十四一月餘里安李便郭鴻臚為在弘農也後漢書獻帝紀云壬申幸曹陽露次董卓戰於弘農謂之七里澗曹陽在縣西四十五里魏武處乃好農澗東本曰壚俗名七里澗曹陽在縣西四十五里魏武處乃好農澗

方土之稱鄜氏因之未為失也若以鴻臚園池釋之抑  
更差違已且洪溜澗名見漢書註顏師古曰桃林縣南  
有洪溜澗水即古之函關是也紛紛辨質實為辭費又  
全氏曰善長疑曹陽即舊陽然師古注陳涉傳云曹水  
出陝縣西南峴頭山北流入河今謂之好陽澗在陝河  
縣西四十五里則舊水外別有曹水不如善長所云河  
水東合譙水水導源常烝之山俗謂之千山蓋先後之  
異名也山在陝城南八十里其川流也二源雙導同注  
一壑而西北流注於河

又東過陝縣北

橐水出橐山西北流又有干水出南山北谷逕崖峽北  
流與干山之水會出干山東谷兩川合注於崖水又東  
北注橐水北流出谷謂之漫澗矣與安陽溪水合水出

石嶠南西逕安陽城南漢武帝封上官桀為侯國也清

按史記索隱曰表在蕩陰志屬汝南地理志汝南郡安  
陽縣下云侯國是也方輿紀要云彰德府安陽縣本紂  
之朝歌地七國時為魏寧新中邑秦昭襄王五十年王  
翦從張唐拔之更名安陽漢省入蕩陰縣昭帝封上官  
桀為侯邑然則非陝之安陽城也外戚恩澤侯表上官  
桀以昭帝始元二年正月壬寅封武帝字亦誤

所謂我祖安陽也東合漫澗水北有逆旅亭謂之漫口  
客舍也又西逕陝縣故城南又合一水謂之瀆谷水南  
出近溪北流注橐其水又西北逕陝城西南北入於河

河北對茅城故茅亭茅戎邑也公羊曰晉敗之大陽者  
也津亦取名焉春秋文公三年秦伯伐晉自茅津濟封

嶠尸而還是也東則咸陽澗水注之水出北虞山南至

陝津注河河南即陝城也昔周召分伯以此城為東西  
 之別東城即魏邑之上陽也魏仲之所都為魏南三魏  
 此其一焉一清按地理志陝縣下云北魏大在東  
 與大陽夾河對岸南魏即北魏故有上陽下陽之分亦  
 有南魏北魏之稱矣而魏不守故春為魏塞也穀梁傳  
 及杜註可証下陽失而魏不守故春為魏塞也穀梁傳  
 云按杜預云陝東南有魏城即是西魏國此南字或  
 是西字之誤蓋魏仲封魏城即是西魏國此南字或  
 春秋之分記曰僖五年魏仲封魏城即是西魏國此南字或  
 也仲封魏城即是西魏國此南字或  
 南魏魏叔封魏城即是西魏國此南字或  
 之魏魏隱元年制巖邑魏而魏叔死馬東魏也今鄭州榮  
 陽縣觀此則北魏即南魏而魏叔死馬東魏也今鄭州榮  
 最足證何說之北魏即南魏而魏叔死馬東魏也今鄭州榮  
 城中有小城故焦國也武王以封神農之後於此王莽

更名黃眉矣戴延之云城南倚山原北臨黃河縣北水  
 百餘仞臨之者咸悚惕焉西北帶河水湧起方數十丈  
 有物居水中父老云銅翁仲所沒處又云石虎載經於  
 此沈沒二物並存水所以湧所未詳也或云翁仲頭髻  
 常出水之漲減恒與水齊晉軍當至髻不復出今唯見  
 水異耳嗟嗟有聲聲聞數里按秦始皇二十六年長狄  
 十二見於臨洮長五丈餘以為善祥鑄金人十二以象  
 之各重二十四萬斤生之宮門之前謂之金狄皆銘其  
 胷云皇帝二十六年初兼天下以為郡縣正法律同度  
 量大人來見臨洮身長五丈足六丈尺李斯書也故衛

量大人來見臨洮身長五丈足六丈尺李斯書也故衛  
 胷云皇帝二十六年初兼天下以為郡縣正法律同度  
 之各重二十四萬斤生之宮門之前謂之金狄皆銘其  
 十二見於臨洮長五丈餘以為善祥鑄金人十二以象  
 水異耳嗟嗟有聲聲聞數里按秦始皇二十六年長狄  
 常出水之漲減恒與水齊晉軍當至髻不復出今唯見  
 此沈沒二物並存水所以湧所未詳也或云翁仲頭髻  
 有物居水中父老云銅翁仲所沒處又云石虎載經於  
 百餘仞臨之者咸悚惕焉西北帶河水湧起方數十丈  
 更名黃眉矣戴延之云城南倚山原北臨黃河縣北水

恒叔篆曰秦之李斯號為工篆諸山碑及銅人銘皆斯書也漢自阿防徙之未央前俗謂之翁仲矣地皇二年王莽夢銅人泣惡之念銅人銘有皇帝初兼天下文使尚方工鑄滅所夢銅人膺文後董卓毀其九為錢其在者三魏明帝欲徙之洛陽重不可勝至霸水西停之漢晉春秋曰或言金狄泣故留之石虎取置鄴宮苻堅又徙之長安毀二為錢其一未至而苻堅亂百姓推置陝北河中於是金狄滅余以為鴻河巨瀆故應不為細梗躡湍長津碩浪無宜以微物屯流一清按史記索隱人翁仲翁仲其名也三輔舊事銅人十二各重二十四萬斤漢代在長樂宮門前董卓壞其十為錢餘二猶在

石季龍徙之鄴苻堅又徙之長安而銷之也則銅人存者只二枚非三枚亦非百姓推置河中誠如道元所云足以杜悠斯水之所以波濤者蓋史記所云魏文侯二繆之口也十六年魏山崩壅河所致耳獻帝東遷日夕潛渡墜坑爭舟舟指可掬亦是處矣

### 又東過大陽縣南

交澗水出吳山東南流入河河水又東路澗水亦出吳山東逕大陽城西南流注中澗水入於河河水又東逕大陽縣故城南竹書紀年曰晉獻公十有九年獻公

會虞師伐魏滅下陽魏公醜奔魏衛全氏曰善長書多書如晉滅下陽是一事在僖二年滅魏又一事在僖五年明見三傳今竹書混而舉之非矣且醜奔京師不奔

也衛獻公命瑕父呂甥邑於虢都地理志曰北虢也有天子廟王莽更名勤田應劭地理風俗記城在大河之陽也河水又東沙澗水注之水出虞山東南逕傅巖歷傅說隱室俗名之為聖人窟孔安國傳說隱於虞虢之間即此處也傅巖東北十餘里即巖輪坂也春秋左傳所謂入自巖輪者也有東西絕澗左右幽空窮深地壑中則築以成道指南北之路謂之輪橋也傳說傭隱止息於此高宗求夢得之是矣橋之東北有虞原原上道東有虞城堯妻舜以嬪於虞者也全氏曰釐降媯汭在蒲坂道元明載二水於前與虞何豫張冠而周武王以封太伯弟虞仲於此是為李帶不亦慎乎

虞公一清按漢書地理志河東郡大陽縣下云周武王封太伯後於此是為虞公此是孟堅誤記史記吳世家云太伯卒無子弟仲雍立仲雍卒子季簡卒子叔達立叔達卒子周章已君吳因而封之乃封周章伯仲雍之後得周章故夏墟是為虞仲然則虞仲是仲雍之弟也周章之弟明係二人小司馬以為祖與孫同號也古今人表有中雍在上中列太伯之次有虞仲在中謂北虞也城東有山世謂之五家冢冢上有虞公廟春秋穀梁傳晉獻公將伐虢荀息曰君何不以屈產之乘垂棘之璧假道於虞公曰此晉國之寶也曰是取中府置外府也公從之及取虢滅虞乃牽馬操璧璧則猶故馬齒長矣即宮之奇所謂虞虢其猶輔車相依唇亡則

齒寒虢亡虞亦亡矣其城北對長坂二十許里謂之虞坂戴延之曰自上及下七山相重戰國策曰昔騏驥駕鹽車上於虞坂遷延負轅而不能進此蓋其困處也橋之東北山溪中有小水西南流注沙澗亂流逕大陽城東河北郡治也一清按河北郡見魏書地理志是拓跋云舊置河北郡開皇初郡廢則又似治河北縣也且魏志大陽縣亦居河北郡之第四其第一縣為北安邑也沙澗水南流注於河河水又東南左合積石土柱二溪並北發大陽之山南流入於河是山也亦通謂之為薄山矣故穆天子傳曰天子自鹽池丑南登於薄山寘軫之墜乃宿於虞是也

又東過砥柱間

砥柱山名也昔禹治洪水山陵當水者鑿之故破山以通河水河水分流包山而過山見水中若柱然故曰砥柱也三穿既決水流疎分指狀表目亦謂之三門矣全曰趙冬曦云砥柱山之六峰皆生河之中流夏后所鑿其最北有兩柱相對距崖而立即所謂三門也南曰鬼門北曰東門五里黃河中立循河至三門也險惡舟楫一入鮮有得脫三門間聲激如雷而鬼門尤為也五十步即砥柱崇約三文周數文以三門為砥柱者誤山在虢城東北大陽城東也搜神記稱齊景公渡於江沈之河鼃銜左驂沒之眾皆驚揚古治子於是拔劍從之邪行五里逆行三里至於砥柱之下乃鼃也左手

持黿頭右手挾左驂燕躍鵠踴而出仰天大呼水為逆  
流三百步觀者皆以為河伯也亦或作江沅字者也若  
因地而為名則宜在蜀及長沙按春秋此二土並景公  
之所不至古冶子亦無因而騁其勇矣劉向叙晏子春  
秋稱古冶子曰吾嘗濟於河黿銜左驂以入砥柱之  
流當是時也從而殺之視之乃黿也不言江沅矣又考  
史遷記云景公十二年公見晉平公十八年復見晉昭  
公旌軒所指路直斯津從黿砥柱事或在茲又云觀者  
以為河伯賢於江沅之證河伯本非江神又河可知也  
河之右則峭水注之水出河南盤峭山西流水上有梁

俗謂之鴨橋也歷澗東北流與石峭水合水出石峭山

山有二陵南陵夏后臯之墓也北陵文王所避風雨矣  
言山徑委深峯阜交蔭故可以避風雨也秦將襲鄭蹇  
叔致諫而公辭焉蹇叔哭子曰吾見其出不見其入晉  
人禦師必於峭矣余收爾骨焉孟明果覆秦師於此峭  
水又北左合西水亂流注於河河水又東千峭之水注  
焉水南導於千峭之山其水北流纏絡二道漢建安中  
曹公西討巴漢惡南路之嶮故更開北道自後行旅率  
多從之今山側附路有石銘云晉太康三年弘農太守  
梁柳修復舊道太峭以東西峭以西明非一峭也西有

二石又南五六十步臨溪有恬漢先生翼神碑蓋隱斯山也其水北流注於河河水翼岸夾山巍峯岐舉羣山疊秀重嶺干霄鄭玄按地說河水東流貫砥柱觸關今世所謂砥柱者蓋乃關流也砥柱當在西河未詳也余按鄭玄所說非是西河當無山以擬之自砥柱以下五戶已上其間一百二十里河水竦石桀出勢連襄陸蓋亦禹鑿以通河疑此關流也其山雖闢尚梗湍流激石雲洄深波怒溢合有一十九灘水流迅急勢同三峽破害舟船自古所患漢鴻嘉四年楊焉言從河上下患砥柱隘可鑄廣之上乃令焉鑄之裁沒水中不能復去而

令水益湍怒害甚平日魏景初二年二月帝遣都督沙丘部監運諫議大夫寇茲一清按元和郡縣志引此文作寇慈帥工三千人歲常修治以平湖岨晉泰始三年五月武帝遣監運太中大夫趙國一清按下都匠中郎中將河東藥世帥衆五千餘人修治河灘事五戶祠銘雖世代加功水流湍濟濤波尚屯及其商舟是次鮮不踟躕難濟故有衆峽諸灘之言五戶灘名也有神祠通謂之五戶將軍亦不知所以也

又東過平陰縣北清水從西北來注之

清水出清廉山之西嶺世亦謂之清營山其水東南流



出峽峽左有城蓋古關防也清水歷其南東流逕臯落城北服虔曰赤翟之都也世謂之倚毫城蓋讀聲近傳因失實也春秋左傳所謂晉侯使大子申生伐東山臯落氏者也與倚毫川水合水出北山礦谷東南流注於清清水又東逕清廉城南又東南流右會南溪水出南山而東注清水又東合乾棗澗水水出石人嶺下南流俗謂之扶蘓水又南歷奸苗北馬頭山亦曰白水原西南逕垣縣故城北史記魏武侯二年城安邑至垣即是縣也其水西南流注清水水色白濁初會清流乃有玄素之異也清水又東南逕陽壺城東即垣縣之壺丘亭

晉遷宋五大夫所居也清水東南流注於河河水又東與教水合水出垣縣北教山南逕輔山高三十許里上有泉源不測其深山頂周員五六里少草木一清按太

東輔山在沁水縣西南九十二里其山及西輔山與析城山相連有相輔之勢又澤州沁水縣下云害水出西輔山無害水之目蓋缺失矣山海經曰孟門東南有平山水出於其上潛於下又是王屋之次疑即平山也

其水南流歷鼓鍾上峽懸洪五丈飛流注壑夾岸深高壁立直上輕崖秀舉百有餘文岸次青松巖懸頽石於中歷落有翠栢生焉丹青綺分望若圖繡矣水廣一十許步南流歷鼓鍾川分為二澗一澗西北出一百六十

許里山岫迴岨纔通馬步今聞喜縣東北谷口猶有乾

河里故溝存焉今無復有水一清按續志聞喜邑劉昭補註引史記曰伐韓到乾

河郭璞曰縣東有乾河口但有故溝處無復水也而注下文又有冬乾夏流之稱然則未嘗竟枯絕也亦見澮

水一水歷冶官西世人謂之鼓鍾城城之左右猶有遺

銅及銅錢也城西阜下有泉西流注澗與教水合伏

入石下南至下峽山海經曰鼓鍾之山帝臺之所以觴

百神即是山也其水重源又發南至西馬頭山東截坡

下又伏流南十餘里復出又謂之伏流水南入於河山

海經曰教山教水出焉西南流注於河是水冬乾夏流

實惟乾河也今世人猶謂之乾澗矣河水又與畛水合

水合出新安縣青要山今謂之疆山山海經曰青要之

山畛水出焉北流注於河即是水也河水又東正回之

水入焉水出驪山疆山東阜也東流俗謂之疆川水與

石瓜疇川合水出西北石澗中東南流注於疆川水疆

川水又東逕疆冶鐵官東東北流注於河河水又東合

庸之水水出河東垣縣宜蘇山俗謂之長泉水山海經

曰水多黃貝伊洛門也其水北流分為二水一水北入

河一水又東北流注於河河水又東逕平陰縣北地理

風俗記曰河南平陰縣故晉陰地陰戎之所居全氏曰

是陰地之戎杜預曰在河南山北自洛以東至陸渾

觀左傳蠻子奔晉陰地良是上洛善長以為平陰非矣

大經注釋

卷四

河水四

又曰在平城之南故曰平陰也三老董公說高祖處陸  
 機所謂餽餽董叟謨我平陰者也魏文帝改曰河陰矣  
 河水右會濠水水出垣縣王屈西山濠溪夾山東南流  
 逕故城東即濠關也漢光武建武二年遣司空王梁北  
 守濠關天井關擊赤眉別枝皆降之獻帝自陝北渡安  
 邑東出濠關即是關也濠水西屈逕關城南歷軹關南  
 逕苗亭西亭故周之苗邑也又東流注於河經書清水  
 非也是乃濠水耳

水經注釋卷四

水經注釋卷五

河水五 濠水

又東至鄧湛水從北來注之

仁和趙一清誠夫錄

河水又東逕河陽縣故城南春秋經書天王狩于河陽  
 壬申公朝于王所晉侯執衛侯歸于京師春秋左傳僖  
 公二十八年冬會于温執衛侯是會也晉侯召襄王以  
 諸侯見且使王狩仲尼曰以臣召君不可以訓故書曰

天王狩于河陽言非其狩地服虔賈逵曰河陽温也班

固漢書地理志司馬彪袁山松一清按通鑑晉紀吳國

崧當作袁山松此本晉書列傳耳按傳袁山松有名無字諸本亦有作崧者崧山松即崧之字而以字行者耶郡國志晉太康地道記十州志河陽別縣非温邑也漢高帝六年封陳涓為侯國王莽之河亭也十三州志曰治河上河孟津河也郭緣生述征記曰踐土今治板城是名異春秋焉非今河北見者河陽城故縣也在治板西北盖晉之温地故羣儒有温之論矣魏土地記曰冶坂城舊名漢祖渡城峻固南臨孟津河洛陽西北四十里故鄧鄉矣河水又逕臨平亭北帝王世紀曰光武莽臨平亭南西望平陰者也河水又東逕洛陽縣北河之南岸有一碑北面題云洛陽北界津水二渚分屬之

也上舊有河平侯祠祠前有碑今不知所在郭頌世語

曰晉文王之世大魚見孟津長數百步高五丈頭在南

岸尾在中渚河平侯祠即斯祠也河水又東逕平縣故

城北漢武帝元朔三年封濟北貞王子劉遂為侯國沈

曰漢表作濟北式王子此從史表又史表貞王氏

子十一人其五人漢表以為式王子莫可攷也王莽之

所謂治平矣俗謂之小平也有高祖講武場河北側岸

有二城相對置北中郎府徙諸徒隸府戶并羽林虎賁

領隊防之河水南對首陽山春秋所謂首戴也夷齊之

歌所矣曰登彼西山上有夷齊之廟前有二碑並是後

陽何進等立事見其碑全氏曰按續漢書五行志注引蔡邕作夷齊廟碑熹平五年天下大旱禱請名山處士平陽蘓騰字立成夢陟首陽有神馬之使在道明覺而思之以夢陟上聞詔使者登山升祠天尋雨是即善長所云事具其碑也然又有周公是平陽非平原故洪氏隸釋所引則是平原又有周公廟魏氏起玄武觀於芒岳張景陽玄武觀賦所謂高樓特起竦峙岿峩直亭亭以孤立延千里之清颺也朝廷又置冰室於斯阜室內有水井春秋左傳曰日在北陸而藏冰常以十二月採冰於河津之隘峽石之阿北陰之中即邠詩二之曰鑿冰沖沖矣而納於井室所謂納於凌陰者也河南有鉤陳壘世傳武王伐紂八百諸侯所會處尚書所謂不期同時也紫微有鉤陳之宿主闔

訟兵陣故遁甲攻取之法以所攻神與句陳并氣下制所臨之辰則袂禽敵是以壘資其名矣河水至斯有盟津之目論衡曰武王伐紂升舟陽侯波起疾風逆流武王操黃鉞而麾之風波畢除中流白魚入於舟墳以告天與八百諸侯咸同此盟尚書所謂不謀同辭也故曰孟津亦曰盟津尚書所謂東至於孟津者也又曰富平津晉陽秋曰杜預造河橋於富平津所謂造舟為梁也又謂之曰陶河魏尚書僕射杜畿以帝將幸許試樓船覆於陶河謂此也昔禹治洪水觀於河見白面長人魚身出曰吾河精也授禹河圖而還於淵及子朝篡位與

敬王戰乃取周之寶玉沈河以祈福後二日津人得之於河上將賣之則變而為石及敬王位定得玉者獻之復為玉也河水又東涿水入焉山海經曰和山上無草木而多瑤碧實惟河之九都是山也五曲九水出焉合而北流注於河其陽多蒼玉吉神泰逢司之是好居於蕢山之陽出入有光呂氏春秋曰夏后氏孔甲田於東陽蕢山遇大風雨迷惑入於民室皇甫謐帝王世紀以為即東首陽山也蓋是山之殊目矣今於首陽東山無水以應之當是今古世懸川域改狀矣全氏曰按魏書郡温縣有貝水予謂善長尚未能詳貝水之顛末則地形志所言亦襲舊文書之耳竊疑是涿梁之涿水而誤

為涿字蓋涿水正流入河支流入濟適當温原之理善長偶有不照遽山經之言滑突了之而云無水以應川域改狀則不識涿昔帝堯修壇河洛擇良議沈率舜等升於首山而導河渚有五老遊焉相謂河圖將來告帝以期知我者重瞳也五老乃翻為流星而升於昂即於此也又東沛水注焉

又東過鞏縣北

河水於此有五社渡為五社津一清按章懷後漢書注引水經注曰五社津一

名土社津蓋異名也建武元年朱鮪遣持節使者賈彊討難將軍

蘇茂將三萬人從五社津渡攻温馮異遣校尉與寇恂合擊之大敗追至河上生擒萬餘人投河而死者數千

人縣北有山臨河謂之崆嶺其下有穴謂之鞏穴言  
 潛通淮浦北達於河直穴有渚謂之鮪渚成公子安大  
 河賦曰鱣鯉王鮪暮春來遊周禮春薦鮪然非時及佗  
 處則無故河自鮪穴已上又兼鮪稱呂氏春秋稱武王  
 伐紂至鮪水紂使膠鬲候周師即是處也

洛水從縣西北流注之

洛水於鞏縣東逕洛汭北對琅邪渚入於河謂之洛口  
 矣自縣西來而北流注河清濁異流皦焉殊別應瑒靈  
 河賦曰資靈川之遐源出崑崙之神丘涉津洛之阪泉  
 播九道於中州者也

又東過成臯縣北濟水從北來注之

河水自洛口又東左逕平臯縣南又東逕懷縣南濟水  
 故道之所入與成臯分河河水又逕黃馬坂北謂之黃

馬関孫登之去楊駿作書與洛中故人處也河水又東

逕旋門坂北今成臯大坂者也升陟此坂而東趣成臯  
 也曹大家東征賦曰望河洛之交流看成臯之旋門者  
 也河水東逕成臯大伾山下爾雅曰山一成謂之伾許  
 慎呂忱等並以為丘一成也孔安國以為再成曰伾亦  
 或以為地名非也尚書禹貢曰過洛汭至大伾者也鄭  
 康成曰地喉也沈出伾際矣然則大伾在河內修武武

德之界沛沆之水與榮播澤出入自此然則大伾即是  
 山矣禹貢錐指曰鄭玄云大伾在修武武德之界張揖  
 德無此山也成臯縣也漢書音義有成今許慎說文臨  
 不是大伾乎又曰薛士龍曰大伾山許慎說文今陽  
 之黎山是其詩以不始於臣瓚矣云丘再成者與孔傳  
 並無字下引詩慎有車任字下云其成者與孔傳同  
 已亡薛何由見且鄭康成生於慎後張揖三國魏人可  
 不見從魏時未有指黎山為大伾者實臣瓚所稱疑是徐  
 不說一文繫傳大澗九曲一誤名為九曲山又去洛口裁  
 錯西一里貢之任北即經所謂濟水從北來注之者也今  
 里非禹貢之任北即經所謂濟水從北來注之者也今  
 大伾山明甚任北即經所謂濟水從北來注之者也今  
 沛水自温縣入河不於此也所入者奉溝水耳即沛沆  
 之故瀆矣禹貢錐指曰濟水於武德入河南直成臯今

直隸縣所謂津渠勢改不與昔同者也今其故道盡陷  
 河中濟水唯從枝津之合渙水者至孟縣東南入河南  
 直孟津縣其流益短矣由大成臯縣之故城在任上縈  
 禹而來濟入河之道凡再變成臯縣之故城在任上縈  
 帶任阜絕岸峻周高四十許丈城張翕嶮崎而不平春  
 秋傳曰制巖邑也虢叔死焉即東虢也魯襄公二年七  
 月晉成公與諸侯會于戚遂城虎牢以逼鄭求平也蓋  
 修故耳穆天子傳曰天子射鳥獵獸于鄭圃命虞人掠  
 林有虎在於葭中天子將毋至七萃之士高奔戎生擒  
 虎而獻之天子命之為柙畜之東虞志師古注作東虢  
 是也元和志引是曰虎牢矣然則虎牢之名自此始也  
 此文作東隅乃縣之城西北隅有小城周三里北面列

秦以為關漢乃縣之城西北隅有小城周三里北面列



觀臨河苕苕孤上景明中言之壽春路直茲邑昇眺清  
遠勢盡川陸羈途遊至有傷深情河水南對玉門昔漢  
祖與騰公潛出濟於是處也門東對臨河側岸有土穴  
魏攻北司州刺史毛德祖於虎牢戰經二百日不剋城  
惟一井井深四十丈山勢峻峭不容防捍潛作地道取  
井余頃因公至彼故往尋之其穴處猶存河水又東合  
汜水水南出浮戲山世謂之曰方山也北流東關水出  
於嵩渚之山也泉發於層阜之上二源兩枝分流瀉注  
世謂之石泉水也東流為索水西注為東關西北流揚  
蘭水注之水出非山西北流注於東關水又西北清水

入焉水自東浦西流與東關水合而亂流注於汜汜水  
又北右合石城水水出石城山其山複澗重嶺歌疊若  
城山頂泉流瀑布懸瀉下有檻泉東流洩注邊有數十

石畦畦有野蔬巖側石窟數口隱跡存焉而不知誰所  
經始也又東北流注於汜水汜水下北合鄆水水西出  
婁山至冬則煖故世謂之溫泉東北流逕田鄆谷謂之  
田鄆溪水東流注於汜水汜水又北逕虎牢城東漢破  
司馬欣曹咎於是木之上汜水又北流注於河征艱賦  
所謂步汜口之芳草弔周襄之鄙館者也余按先儒之  
論周襄所居在潁川襄城縣是乃城名非為水目原夫

致繆之由俱以汜鄭為名故也是為爽矣又按郭緣生述征記劉澄之永初記並言高祖即帝位於是水之陽今不復知舊壇所在盧湛崔雲亦言是矣余按高皇帝受天命於定陶汜水又不在此也於是求壇故無髣髴矣河水又東逕板城北有津謂之板城渚口河水又東逕五龍塢北臨長河塢有五龍祠應劭云崑崙山廟在河南滎陽縣疑即此祠所未詳耳

又東過滎陽縣北蕩蕩渠出焉

大禹塞滎澤開之以通淮泗即經所謂蕩蕩渠也全氏曰滎澤為禹所塞善長之繆極矣一清按禹貢豫州云滎波既豬禹陂水為澤故道元濟水注云大禹塞其滎水

則指既豬而言此云禹塞滎澤辭不達意未為大非惟云開之以通淮泗則指鴻溝為禹迹乃其繆耳漢

平帝之世河汴決壞未及得修汴渠東侵日月彌廣水

門故處皆在河中漢明帝永平十二年議治汴渠上乃

引樂浪人王景問理水形便景陳利害應對敏捷帝甚

善之乃賜山海經渠書禹貢圖及以錢帛後作堤發卒

數十萬詔景與將作謁者王吳共築堤防修塌起自滎

陽東至千乘海口千有餘里景乃商度地勢鑿山開澗

防遏衝要疏決壅積十里一水門更相迴注無滲漏之

患明年渠成帝親巡行詔濱河郡國置河堤員吏如西

京舊制景由是顯名王吳及諸從事者皆增秩一等順

帝陽嘉中又自汴口以東緣河積石為堰通古渠口咸  
 曰金堤靈帝建寧中又增修石門以遏渠口水盛則通  
 注津耗則輟流禹貢雖指曰司馬彪不志河渠東漢以  
 時見行北河自涼城縣長壽津東運鐵丘南至東北  
 甲下邑北又東築堤是後大東運千餘里也  
 又曰王景修渠東漢堤為後河蓋建都洛陽而史稱  
 其曰治者即東漢堤為後河蓋建都洛陽而史稱  
 資曰汴渠成始終急言汴流東侵日運道甚無患治  
 治汴也張汴自平帝後汴流東侵日運道甚無患治  
 武令汴亦決上言汴積久侵毀渠深數許武十是陽  
 時濟亦決上言汴積久侵毀渠深數許武十是陽  
 築隄自榮陽至千乘海口千餘里永平十三年詔曰  
 汴隄自榮陽至千乘海口千餘里永平十三年詔曰  
 東隄至無復舊迹其功拜隄使者賜車馬錢陶則  
 今定陶無鹽今東平西北之漕由濟入地也二渠既  
 東南之漕由濟入地也二渠既

輸不絕京師無匱乏之憂矣又曰武帝疎於討論執北  
 瀆為禹故道而國事危殆不可為矣永平十三年詔曰  
 復禹故道而國事危殆不可為矣永平十三年詔曰  
 僅六十年餘歲道就其便者為之不治河惟從上距平  
 當時所急在運道就其便者為之不治河惟從上距平  
 鑿山阜截溝澗防遏衝要為之不治河惟從上距平  
 以百億計財力之充裕若治使講求禹迹故道而復  
 之則河歸北力之充裕若治使講求禹迹故道而復  
 溢橫流之禍可以免矣乎其治見不及此也河雖自  
 周定王時而東光以海而章武入海猶是徒駭之故  
 至王莽始改從千乘入海而章武入海猶是徒駭之故  
 禹迹蕩然無存君子於此有遺憾焉之徒駭之故道  
 卷之扈亭北春秋左傳曰文公七年晉趙盾與諸侯盟  
 于扈竹書紀年晉出公十二年河絕於扈即於是也河  
 水又東運八激堤北漢安帝永初七年令謁者太山于  
 岑子石門東積石八所皆如小山以捍衝波謂之八激

堤河水又東逕卷縣北晉楚之戰晉軍爭濟舟中之指可掬楚莊祀河告成而還即是處也河水又東北逕赤岸固北而東北注之

又東北過武德縣東沁水從西來注之

河水自武德縣漢獻帝延康元年封曹叡為侯國即魏明帝也東至酸棗縣西濮水東出焉漢興三十有九年孝文時河決酸棗東潰金堤大發卒塞之故班固云文堙棗武作瓠歌謂斷此口也今無水河水又東北通謂之延津石勒之襲劉曜途出於此以河水泮為神靈之助號是處為靈昌津昔滹臺子羽齋千金之璧渡河陽

侯波起兩蛟扶舟子羽曰吾可以義求不可以威劫操劔斬蛟蛟死波休乃投璧於河三投而輒躍出乃毀璧而去示無法意趙建武中造浮橋於津上採石為中濟石無大小下輒流去用功百萬經年不就石虎親閱作工沈璧於河明日璧流渚上波蕩上岸遂斬匠而還河水又逕東燕縣故城北石濟水自北來注之河水於是有棘津之名亦謂之石濟津故南津也春秋僖公二十八年晉將伐曹曹在衛東假道於衛衛人不許還自南河即此濟也河水於是亦有石濟之名晉伐陸渾亦於此渡宋元嘉中遣輔國將軍蕭斌率寧朔將軍王玄謨北

入宣威將軍垣護之以水軍守石濟即此處也一清按石濟資  
 治通鑑作文石津懷帝紀永嘉四年石勒為王讚所敗退屯文石津胡三省曰據帝紀文石津在河北又據永  
 嘉六年勒自葛陂北行至東燕使孔萇自文石津潛渡枋頭取向水船則文石津在東燕之東北枋頭之東南  
 蓋濟者津渡之名非四瀆也之濟并非常山之石濟也河水又東淇水入焉又東逕  
 遮害亭南漢書溝洫志曰在淇水口東十八里有金堤  
 隄高一丈自淇口東地稍下隄稍高至遮害亭高四五  
 丈又有宿胥口舊河水北入處也河水又東右逕滑臺  
 城北一清按何氏焯曰自滑臺城北至長壽津皆古滑  
 城西而北與城有三重中小城謂之滑臺城舊傳滑臺  
 漳水合下人自修築此城因以名焉城即故鄭廩延邑也下有延

津春秋傳曰孔悝為蒯躄所逐載伯姬於平陽行於延  
 津是也一清按今本左傳哀十六年載伯姬於平陽而  
 廩延南故城即衛之平陽亭也今時人謂此津為延壽

津宋元嘉中右將軍劉彥之留建威將軍朱修之守此  
 城魏軍南伐修之執節不下其母悲憂一旦乳汁驚出  
 母乃號踴告家人曰我年老非有乳時今忽如此吾兒  
 必沒矣修之絕援果以其日陷沒城故東郡治續漢書  
 曰延熹九年濟陰東郡濟北平原河水清襄楷上疏曰  
 春秋注記未有河清而今有之易乾鑿度曰上天將降  
 嘉應河水先清京房易傳曰河水清天下平天垂異地

吐妖民厲疾三者並作而有河清春秋麟不當見而見孔子書以為異河者諸侯之相清者陽明之徵豈獨諸侯有窺京師也明年宮車晏駕徵解瀆侯為漢嗣是為靈帝建寧四年二月河水又清也

### 又東北過黎陽縣南

黎侯國也詩式微黎侯寓於衛是也晉灼曰黎山在其南河水逕其東其山上碑云縣取山之名取水之陽以為名也王莽之黎蒸也今黎山之東北故城蓋黎陽縣之故城也山在城西城憑山為基東岨於河故劉楨黎陽山賦曰南蔭黃河左覆金城青壇承祀高碑頌靈昔

慕容玄明自鄴率衆南徙滑臺既無舟楫將保黎陽昏而流澌澌合於夜中濟訖旦而冰泮燕民謂是處為天橋津東岸有故城嶮帶長河戴延之謂之暹明壘周二十里言暹明石勒十八騎中之一城因名焉郭緣生曰城表紹時築皆非也余按竹書紀年梁惠成王十一年鄭釐侯使許息來致地平丘戶牖首垣諸邑及鄭馳道我取枳道與鄭鹿即是城也今城內有故臺尚謂之鹿鳴臺又謂之鹿鳴城王玄謨自滑臺走鹿鳴者也濟取名焉故亦曰鹿鳴津又曰白馬津津之東南有白馬城衛文公東徙渡河都之故濟取名焉表紹遣顏良攻東

郡太守劉延於白馬關羽為曹公斬良以報効即此處也白馬縣有韋鄉韋城故津亦有韋津之稱史記所謂下修武渡韋津者也河水舊於白馬縣南洑通濮濟黃溝故蘓代說燕曰決白馬之口魏無黃濟陽竹書紀年梁惠成王十二年楚師出河水以水長垣之外者也金堤既建故渠水斷尚謂之白馬瀆故瀆東逕鹿鳴城南又東北逕白馬縣之涼城北者舊別傳云東郡白馬縣之神馬亭實中層峙南北二百步東西五十許步狀如斬城也自外耕耘墾斫削落平盡正南有驪陞陟上方軌是由西南側城有神馬寺樹木修整西去白馬津可

二十許里東南距白馬縣故城可五十里疑即開山圖之所謂白馬山也山下常有白馬群行悲鳴則河決馳走則山崩注云山在鄭北故鄭也所未詳劉澄之云有白馬塞孟達登之長嘆可謂於川土踈妄矣亭上舊置涼城縣治此白馬瀆又東南逕濮陽故縣散入濮水在決會更相通注以成往復也河水自津東北逕涼城縣河北有般祠孟氏記云祠在河中積石為基河水漲盛恒與水齊戴氏西征記曰今見祠在東岸臨河累石為壁其屋宇容身而已殊似無靈不如孟氏所記將孔言之過也河水又東北逕伍子胥廟南祠在北岸頓丘郡

界臨側長河廟前有碑魏青龍三年河水又東北為長

壽津述征記曰涼城到長壽津六十里

河之故瀆出焉禹貢錐指曰按水經東漢人所撰凡稱故

水不至又無他水行其中孟康曰水咸城以下東光唯此耳

故謂之大河故瀆其自長壽津以西至宿胥口為東漢見

行之河則叙入清河漳水並不至章武為清河漳

漢書溝洫志曰河之為中國害尤甚故導河自積石積

歷龍門醜二渠以引其河一則漯川今所流也一則北

瀆王莽時空故世俗名是瀆為王莽河也一清按醜史

索隱曰漢書作灑史記舊本亦作灑字從水韋昭云灑

決為灑字音疏鞋反顏師古音山支反然則醜字近本

也二渠其一出貝丘西南折者也其一則漯川也河自

王莽時遂空故瀆東北逕戚城西春秋哀公二年晉趙

鞅率師納衛太子蒯聩于戚宵迷陽虎曰右河而南必

至焉今頓丘衛國縣西戚亭是也為衛之河上色漢高

帝十二年封將軍李必為侯國矣一清按史記索隱曰

東海又曰索灌嬰傳云重泉人李必此云季必與史表同漢

則鄴注所引是漢書列傳而表亦作季必與史表同漢

書百官記灌嬰傳四年戚侯李信臣為太常即必曾

年追錄高祖功臣必後黃門丞李遂為晉帝延熙二

則作李姓者是也又戚邑東海亦有之滕縣志東

海郡威縣引鄭氏音憂戚故城在山東滕縣西南

開州北七里李必封邑當在東海故瀆又逕繁陽縣故

城東史記趙將廉頗伐魏繫陽者也北逕陰安縣故城



西漢武帝元朔五年封衛不疑為侯國故瀆又東北迳

樂昌縣故城東地理志東郡之屬縣也一清按漢志東

漢省今本作昌樂縣誤舊唐書地理志以晉置昌樂

而晉志不載魏書地形志昌樂縣太和二十一年分魏

置似非漢宣帝封王稚君為侯國一清按諸表樂昌侯

漢長君弟也索隱曰表在汝南按地理志汝南無樂昌

徐廣曰細陽之池陽鄉也細陽汝南郡屬縣道元善蓋

也誤證故瀆又東北迳平邑郭西竹書紀年晉烈四年氏

日當作趙城平邑五年田公子居思伐邯鄲圍平邑十

年齊田盼及邯鄲韓舉戰于平邑邯鄲之師敗逋獲韓

舉取平邑新城又東北迳元城縣故城西北而至沙丘

堰史記曰魏武侯公子元食邑于此故縣氏焉朱氏謀

元食邑於此出漢書地理志應劭註非史記也一清按

漢志常山郡元氏縣下師古又引關駟云趙公子元之

封邑故曰元氏史記趙世家惠成王十一年城元氏洪

邁容齋隨筆疑之曰二邑命名不應相似如此竊謂闕

駟十三州志之說多本仲瑗或郭東有五鹿墟墟之左

誤以魏為趙師古兩引之非矣

右多陷城公羊曰襲邑也說曰襲陷矣郡國志曰五鹿

墟故沙鹿有沙亭周穆王喪盛姬東征舍於五鹿其女

叔姓屈此思哭是曰女姓之丘為沙鹿之異名也春秋

左傳僖公十四年沙鹿崩晉史卜之曰陰為陽雄土火

相乘故有沙鹿崩後六百四十五年宜有聖女興其齊

田乎後王翁孺自濟南徙元城正直其地日月當之王

年十八詔入太子宫生成帝為元后漢祚道汙四世稱  
 制故曰火土相乘而為雄也及崩大夫揚雄作誄曰太  
 陰之精沙鹿之靈作合於漢配元生成者也漢獻帝建  
 安中袁紹與曹操相襲於官渡紹逼大司農鄭玄載病  
 隨軍屆此而卒郡守已下受業者衰經赴者千餘人玄  
 注五經識緯候歷天文經通於世故范曄贊曰孔書遂  
 明漢章中輟矣一清按後漢書贊云玄定義垂褒禮  
 合傳故章懷注云輟謂曹褒禮不行也則漢縣北有  
 章句何與於康成乎牽連引之實為詞也禹累沙  
 沙丘堰者禹貢錐指曰水經以王莽河為禹故以沙  
 此堰以障之使北而九河自其意播焉不遵其道是為  
 水唐人云河自貴鄉縣界分為九道宗此說也然禹河

不經元城黎陽北入堰必非禹所清黃文叔云今澶州臨河有  
 者自元城戰壘防戰國魏北地堰各以水自利西與趙魏  
 元城壘防戰國魏北地堰各以水自利西與趙魏  
 戰壘防戰國魏北地堰各以水自利西與趙魏  
 山齊地堰卑下趙所築過水使西魏趙魏河為防境趙魏  
 謂以沙丘堰為疑趙所築過水使西魏趙魏河為防境趙魏  
 過降之水濁漳水也注中觀降下水注有脫文當補尚書  
 言降之水濁漳水也注中觀降下水注有脫文當補尚書  
 故道與是濁漳水也注中觀降下水注有脫文當補尚書  
 一城縣清按全說沙丘也堰寰宇記魏州大故陶不竊北  
 元城縣清按全說沙丘也堰寰宇記魏州大故陶不竊北  
 有脫縣通水經魏州治沙丘也堰寰宇記魏州大故陶不竊北  
 俗曰陶王誤莽通水經魏州治沙丘也堰寰宇記魏州大故陶不竊北  
 分館陶王誤莽通水經魏州治沙丘也堰寰宇記魏州大故陶不竊北  
 及前燕慕容容志後魏去昌司元二鄉今州大故陶不竊北  
 志前燕慕容容志後魏去昌司元二鄉今州大故陶不竊北  
 於前燕慕容容志後魏去昌司元二鄉今州大故陶不竊北  
 班固漢志魏郡鄆縣志略前注云後故大在東北故大河  
 經注

即大河故蹟今注無鄴縣是知其缺多矣東樵不察  
注文縣北有沙丘堰者與下不遵其道曰潰堰障水也至于大陸  
不亦誣乎不遵其道曰降亦曰潰堰障水也至于大陸  
北播為九河古文尚書疏證曰按水經注河水篇凡五  
皆周漢以來之新道非禹河上道也然中河故水瀆  
北播於九河經文及注一禹河出焉相次縣沙丘堰相  
次及禹河故道者惜不傳耳偶聞於黃子鴻驚曰某讀  
有經注三河故道從未聞此論參以濁漳水條詳北過降  
水日有禹河自大任至海處了清按潛見於經注或  
當北有沙丘堰者後有人文不悟此九字是注混作經  
縣文經一書從無直鈔禹貢風俗通曰河播也昔禹治  
洪水播為九河自此始也禹貢兗州九河既道謂徒駭  
太史馬頰覆釜胡蘓簡潔勾盤禹津也同為逆河鄭玄

曰下尾合曰逆河言相承受矣蓋所潤下之勢以通河  
海及齊桓霸世塞田廣居同為一河故自堰以北館陶  
瘦陶貝丘禹般廣川信都東光河間樂成以東城地並  
存川瀆多亡漢世河決金堤南北離其害議者常欲求  
九河故迹而穿之未知其所是以班固云自茲距漢北  
亡八枝者也禹貢錐指曰許商云徒駭在成平漳水即  
縣之東合為逆河入海及周定東北出至章武高城柳  
浮陽絕八枝而北合徒駭漢人指此為逆河是東光南  
其所實非也王莽改勃海郡曰大迎河亦東光南而  
其同故也王莽改勃海郡曰大迎河亦東光南而  
最在北宜最南向漸加長勢北行亦最長八枝受大  
當在官縣界也南要之漸加長勢北行亦最長八枝受大  
云城地既減難明也班固云為實錄無侯深求枝鄰道元  
水經注

河之故瀆自沙丘堰南分屯氏河出焉

河水故瀆東北逕發干縣故城西又屈逕其城北王莽

之所謂載楯矣漢武帝以大將軍衛青破右賢王功封

其子登為侯國大河故瀆又東逕貝丘縣故城南應劭

曰左氏傳齊襄公田于貝丘是也余按京相璠杜預並

言在博昌即司馬彪郡國志所謂貝中聚者也應注於

此事近違矣大河故瀆又東逕甘陵縣故城南地理志

之所謂厓也王莽改曰厓治者也漢安帝父孝德皇以

太子被廢為王葬於此乃其葬地尊陵曰甘陵桓帝建

和元年改曰甘陵縣亦取名焉一清按是注殊欠分曉續漢志清和國劉昭補



注云高帝置桓帝建和二年改為甘陵又云甘陵故厓

安帝更名則安帝後漢書清河孝王慶傳亦云梁冀惡

清河桓帝建和二年改為甘陵於文當云尊陵曰甘陵縣亦取名

清馬桓帝建和二年改為甘陵於文當云尊陵曰甘陵縣亦取名

墳高巨雖中經發壞猶若層陵矣世謂之唐侯冢城曰

邑城皆非也昔南陽文叔良明以建安中為甘陵丞夜

宿水側趙人蘭襄夢求改葬叔良明循水求棺果於水

側得棺半許落水叔良顧親舊曰若聞人傳此吾必以

為不然遂為移殯馱而去之大河故瀆又東逕艾亭城

南又東逕平晉城南今城中有浮圖五層上有金露盤

題云趙建武八年比釋道龍和上竺浮圖澄樹德勸化

興立神廟浮圖以壞露盤尚存煒煒有光明大河故瀆  
 又東北逕靈縣故城南王莽之播亭也河水於縣別出  
 為鳴犢河大河故瀆又東逕郟縣故城東呂后四年以  
 父嬰功封子佗襲為侯國一清按史記惠景間侯者年  
 表俞侯嬰子佗襲功周中  
 大夫侯謂佗襲父功為侯耳漢書高惠高后文功臣表  
 俞侯呂佗可知佗只單名鄴注連佗襲為稱蓋其誤也  
 王莽更名之曰善陸大河故瀆又東逕平原縣故城西  
 而北絕屯氏二瀆北逕繹幕縣故城東北西流逕平原  
 禹縣故城西地理志曰禹津也一清按漢志云王莽名  
 平當以為禹津  
 之曰河平亭故有窮后羿國也應劭曰禹偃姓咎繇後  
 全氏曰按先贈公曰有禹氏當是夏之同姓應  
 氏以為偃姓恐非若以為有窮之國則大繆矣  
 光武建

武十三年封建義將軍朱祐為侯國大河故瀆又北逕  
 修縣故城東又北逕安陵縣西本脩之安陵鄉也地理  
 風俗記曰脩縣東四十里有安陵鄉故縣也又東北至

東光縣故城西而北與漳水合禹貢錐指曰禹釃二渠  
 流為大河一東為漯川周定王五年陽宿胥口一北  
 行縣又東北為長壽津河至此與漯別行而東北入海  
 城經謂之東北河故瀆東在東北逕威城而東北入海  
 水故謂之東北河故瀆東在東北逕威城而東北入海  
 縣故謂之東北河故瀆東在東北逕威城而東北入海  
 云清河自東光縣西北合故瀆東在東北逕威城而  
 木篇云漳水自東光縣西北合故瀆東在東北逕威城  
 東水復清漳水故大阜城也故瀆東在東北逕威城  
 漳水復清漳水故大阜城也故瀆東在東北逕威城  
 入海定王五年歲已未下逮王莽始建國三年辛未而  
 北瀆遂空凡六年歲已未下逮王莽始建國三年辛未而  
 百七十二年歲六一水未下逮王莽始建國三年辛未而

陶縣東北出漢書溝洫志曰自塞宣防河復北決於館陶縣分為屯氏河廣深與大河等成帝之世河決館陶及東郡金隄上使河堤謁者王延世塞之三十六日河堤成詔以建始五年為河平元年以延世為光祿大夫是水亦斷屯氏故瀆水之又東北屯氏別河出焉屯氏別河故瀆又東北逕信成縣張甲河出焉地理志曰張甲河故瀆一清按漢志分註無所加首受屯氏別河於信成縣者也張甲河故瀆北絕清河於廣宗縣分為二瀆左瀆逕廣宗縣故城西又北逕建始縣故城東田融全氏按五代志燕太傅長史田融著趙書云趙武帝十二年立建興郡治廣宗

置建始興德五縣隸焉左瀆又北逕經城東繚城西又逕南宮縣西北注絳瀆右瀆又東北逕廣宗縣故城南又東北逕界城亭北又東北逕長樂郡武彊縣故城東長樂故信都也晉太康五年改從今名一清按長樂郡志云不見晉志地形又東北逕廣川縣與屯氏河水故道合又東北逕廣川縣故城西又東逕棘津亭南徐廣曰棘津在廣川司馬彪曰縣北有棘津城呂尚賣食之困疑在此也劉澄之云譙郡鄆縣東北有棘津亭故邑也呂尚所困處也余按春秋左傳伐巢克棘入州來無津字杜預春秋釋地全氏曰杭世駿曰杜預書名釋例所謂釋地特其中一種耳當作釋例予謂非也引班書者但云地水經注釋

理志引續書者或云郡國志莫之非也又言棘亭在鄴然則引釋例而但云釋地庸何傷乎縣東北亦不云有津矣字而竟不知澄之於何而得是說然天下以棘為名者多未可咸謂之棘津也又春秋昭公十七年晉侯使荀吳帥師涉自棘津用牲于洛遂滅陸渾杜預釋地闕而不書服虔曰棘津猶孟津也徐廣晉紀又言石勒自葛陂寇河北襲汲人向冰於枋頭濟自棘棘津在東郡河內之間田融以為即石濟南津也雖千古茫昧理世玄遠遺文逸句容或可尋沿途隱顯方土可驗司馬遷云呂望東海上人也老而無遇以釣于周文王又云呂望行年五十賣食棘津七十則屠

牛朝歌行年九十身為帝師皇甫士安云欲隱東海之濱聞文王善養老故入釣於周今汲水城亦言有呂望隱居處起自東海迄於豐雍緣其運趣趙魏為密厝之

譙宋事為疎矣北一清按名勝志引水經注云清河又東上有古臺者舊相傳呂望賣漿疑是清水篇注之逸文又司馬彪郡國志云清河國廣川縣故屬信都棘津城劉昭補注云太公呂尚因於棘津城在琅邪海曲非此城也瑯琊國西海縣補注其浦尚存西海縣即前海出今有東呂鄉又釣於棘津是其所謂東海者矣道元以劉澄之今莒州日照縣是其所謂東海者矣道觀昭注較鄰注為尤密也張甲故瀆又東北至脩縣東會清河十三州志曰張甲河東北至脩縣一作脩分註作蔣顏師古曰音條入清漳者也屯氏別河又東枝津出焉東運

信成縣故城南又東逕清陽縣故城南清河郡北魏自  
 清陽徙置也又東北逕陵鄉南又東北逕東武城縣故  
 城南又東北逕東陽縣故城南地理志曰王莽更之曰  
 胥陵矣俗人謂之高黎郭非也應劭曰東武城東北三  
 十里一作清按淇水篇注引應劭語有陵鄉故縣也又東  
 散絕無復津逕屯氏別河又東北逕清河郡南又東北  
 逕清河故城西漢高帝六年封王吸為侯國一清按史  
 王吸索隱曰漢表作清河地理志清陽清和郡之屬縣  
 也案字記云後漢甘陵國除復為縣晉省於厝城西南  
 十七里置清陽縣後魏又移清河縣并清河郡於厝城  
 中又云清陽漢縣後漢并入甘陵西晉省甘陵於此置  
 清河郡理清陽縣復漢名今注云地理風俗志曰甘陵  
 漢封王吸為清和侯蓋用漢表

郡東南十七里有清河故城者世謂之鵲城也一清按  
 云甘陵故厝鵲城即厝城之續漢志又東北逕繹幕縣南分為  
 轉音師古曰厝音趨亦反

二瀆屯氏別河北瀆東逕繹幕縣故城南東絕大河故  
 瀆又東北逕平原縣枝津北出至安陵縣遂絕屯氏別  
 河北瀆又東北逕重平縣故城南應劭曰重合縣西南  
 八十里有重平鄉故縣也又東北逕重合縣故城南又

東北逕定縣故城南漢武帝元朔四年封齊孝王子劉  
 成為侯國一清按成史漢表皆作越史表云蓋敬漢表  
 音芳无切無躍音疑誤也嘗攷當作數字中靖地理  
 王子有臨樂敷侯光齊太史敷徐廣音躍可證也  
 風俗記曰饒安縣東南三十里有定鄉城故縣也屯氏



別河北瀆又東入陽信縣今無水又東為咸河東北流  
運陽信縣故城北地理志勃海之屬縣也東注於海屯  
氏別河南瀆自平原東絕大河故瀆又運平原縣故城  
北東北枝津右出東北至安惠縣界東會商河屯氏別  
河南瀆又東北於平原界又有枝渠右出至安德縣遂  
絕屯氏別河南瀆自平原城北首受大河故瀆東出亦  
通謂之篤馬河即地理志所謂平原縣有篤馬河東北  
入海行五百六十里者也東北運安惠縣故城西又東  
北運臨齊城南始東齊未賓大魏築城以臨之故城得  
其名也又屈運其城東故瀆廣四十步又東北運重丘

縣故城西春秋襄公二十五年秋同盟於重丘伐齊故  
也應劭曰安惠縣北五十里有重丘縣鄉故縣也又東

北運西平昌縣故城北北海有平昌縣故加西漢志有  
兩平昌縣一屬平原郡一屬瑯琊郡續志北海國平昌  
侯國故屬琅琊而平原郡無之平原郡九縣數之適合  
是省併也晉志平昌平原國西平縣蓋今誤本脫去昌字地  
形志安德郡平昌縣下云二漢晉屬平原後漢晉曰西  
平昌是西平昌之名沿於漢宣帝元康元年封王長君  
典平而遂波及於後漢爾漢宣帝元康元年封王長君  
為侯國長蓋從褚表是地節四年善故渠川派東入般  
縣為般河蓋亦九河之一道也漢書稱公孫瓚破黃巾

于般河即此瀆也一清按當作後漢書又漢志註如淳  
師古曰爾雅說九河云般如鈞般郭璞以音通垣反  
曲如鈞流般桓也然今土俗用如韋之音又東為白鹿  
水

淵水南北三百步東西千餘步深三丈餘其水冬清而夏濁渟而不流若夏水洪泛水深五丈方乃通注般瀆焉又運般縣故城北王莽更之曰分明也東運樂陵縣故城北地理志曰故都尉治伏琛晏謨言平原邑今分為郡又東北運陽信縣故城南東北入海屯氏河故瀆自別河東運甘陵之信鄉縣故城南地理志曰順帝更名安平一清按此是應劭註本云信都國明帝更名樂都延光元年改延光為安應劭曰甘陵西北十七里有帝紀年非順帝也道元誤矣

信鄉故縣也屯氏故瀆又東運甘陵縣故城北運靈縣北又東北運鄒縣與鳴犢河故瀆合上承大河故瀆於

靈縣南地理志曰河水自靈縣別出為鳴犢河者也東北運靈縣東入鄒縣而北合屯氏瀆屯氏瀆兼鳴犢之稱也又東運鄒縣故城北東北合大河故瀆謂之靈鳴犢口十三州志曰鳴犢河東北至脩入屯氏考瀆則不至也一清按漢志魏郡館陶縣下云河水別出為屯氏溝洫志元帝永光五年河決清河靈鳴犢口而屯氏河遂絕蓋屯氏河漢世絕後不復流行賴有水經及鄆注猶存故道而別河莫辨如師古所云隋室亦得附見否則遺迹周知乃稱莫辨如師古所云隋室亦得附見

置毛州之失也

又東北右過衛縣南又東北過濮陽縣北瓠子河出焉

河水東運鐵丘南春秋左氏傳哀公二年鄭罕達帥師

救衛郵無恤御簡子衛太子為右登鐵上望見鄭師衛太子自投車下即此處也京相璠曰鐵五名也杜預曰在戚南河之北岸有聶城城戚邑也東城有子路冢河之西岸有竿城郡國志曰衛縣有竿城者也河南有龍淵宮武帝元光中河決濮陽汜郡十六發卒十萬人塞決河起龍淵宮蓋武帝起宮於決河之傍龍淵之側故曰龍淵宮也河水東北流而逕濮陽縣北為濮陽津故城在南與衛縣分水城北十里有瓠河口有金隄宣房堰粵在漢世河決金隄涿郡王尊自益州刺史遷東郡太守一清按漢書尊自徐州刺史河水盛溢泛浸瓠子金

堤決壞尊躬率民吏投沉白馬祈水神河伯親執圭璧親身填隄廬居其上吏民皆走尊立不動而水波齊足而止公私壯其勇節河水又東北逕衛國縣南東為郭口津黃氏曰郭口一作國口全氏曰亦作谷口三省註谷口在枋頭西即此處也漢志河內郡隆慮縣國水東至信成入張甲河過郡三行一八百隆慮縣凡漢志之水較皆見於水經注獨國水不注著十絲馬跡蓋賴此文大較皆見於水經注獨國水不注著十絲非也漢志淇出共國樵求其詳而不得竟以淇水當之河水源流判然見經以隆慮入大河而國入張甲是之水瀆已枯而國水無所見道元亦遂失之使國水即之淇水則遮害亭上淇已入河河水又東逕郵城縣矣安得至此又以國口名其津哉河水又東逕郵城縣北故城在河南一十八里王莽之郵良也沅州舊治魏

水經注釋 卷五 河水五 五

武創業始自於此河上之邑最為峻固晉八王故事曰東海王超治郵城城無故自壞七十餘丈越惡之移治漢陽城南有魏使持節征西將軍太尉方城侯鄧艾廟廟南有艾碑秦建元十二年廣武將軍沅州刺史閔內侯安定彭超立河之南岸有新城宋寧朔將軍王玄謨前鋒入河所築也北岸有新臺鴻基層廣高數丈衛宣公所築新臺矣詩齊姜所賦也為盧關津臺東有小城岢嶷顏側臺址枕河俗謂之底閣城疑故關津都尉治也所未詳矣河水又東北逕范縣之秦亭西春秋經書築臺于秦者也河水又東北逕委粟津大河之北即東

武陽縣也

左會浮水故瀆

故瀆上承大河於頓丘縣而北出東逕繁陽縣故城南應劭曰縣在繁水之陽張晏曰縣有繁淵一清按漢志界為春秋襄公二十年經書公與晉侯齊侯盟于檀淵注張晏曰其繁淵杜預曰在頓丘縣南今名繁淵一清按春秋有兩澶淵預曰澶淵在頓丘縣南今名繁淵襄二十一年盟于澶淵杜亦云司馬彪郡國志沛國杼秋故屬梁有澶淵在宋杜預也此繁澶淵即繁淵也亦謂之浮水焉昔魏徙大梁趙以中牟易魏故志曰趙南至浮水繁陽即是瀆也一清按書叙指

南曰水經澶州地名曰龍  
故瀆東絕大河故瀆東逕五  
鹿之野晉文公受瑰於野人即此處矣京相璠曰今衛

縣西北三十里有五鹿城今屬頓丘縣  
一在元城東一在衛縣西北寰宇記云元城東為五鹿  
鹿墟即重耳乞食處此為五鹿城道元合而一之浮

水故瀆又東南逕衛國邑城北故衛公國也漢光武以  
封周後也又東逕衛國縣故城南古斟觀應劭曰夏有

觀扈即此城也與一清按所謂觀扈是五觀漢志之畔觀  
麟曰五子述大禹之戒以作歌豈朱均管蔡比水經本

以畔字之說非也全祖望曰夏時有斟灌無斟觀得無  
近斟而誤乎竹書紀年梁惠成王二年齊田壽率師伐  
我園觀觀降浮水故瀆又東逕河牧城而東北出郡國

志曰衛本觀故國姚姓有河牧城又東北入武陽縣東  
入河

又有深水出焉

戴延之謂之武水也一清按禹瀆二渠以引其河一貝丘

出見其者乃今漢武之起觀城入蒲臺所謂地理志曰  
武河也武河以漢武帝導河觀城入蒲臺所謂地理志曰

深水出東武陽縣一清按地無出字深郡東武陽縣下云  
不僮出此也應劭於平原郡深陰注云出武陽縣下云

蓋誤以應說為班志也續志亦云東武陽濕水出皆與  
班志今深水上承河水於武陽縣東南而北逕武陽新  
城東曹操為東郡所治也引水自東門石竇北注於堂

池池南故基尚存中城內又立一石臺甚大城西門名  
水井門內曲中水井猶存門外有故臺號武陽臺匝  
臺亦有隅雉遺跡河水又東逕武陽縣東范縣西而東  
北流也一清按禹貢雖指曰河自此與深別東北逕東魏深川之源委宋世河決商胡朝城流絕而舊迹之存者鮮矣

又東北過東阿縣北

河水於范縣東北流為蒼亭津述征記曰倉亭津在范  
縣界去東阿六十里魏土地記曰津在武陽縣東北七  
十里津河濟名也河水又歷柯澤春秋左傳襄公十四  
年衛孫文子敗公徒于柯澤者也逕東阿縣故城西而

又東北出流注河水枝津東出謂之鄧里渠也

東北出流注河水枝津東出謂之鄧里渠也

又東北過荏平縣西

河水自鄧里渠東北逕昌鄉亭北逕礪礪城西述征記  
曰礪礪津名也自黃河泛舟而渡者皆為津也其城臨

水西南崩於河宋元嘉七年到彥之北入枝之後失至  
二十七年以王玄謨為寧朔將軍前鋒入河平礪礪守  
之都督劉義恭以沙城不堪守召玄謨令毀城而還後  
更城之魏立濟州治此也朱氏謀埤笈曰玉海引此河作魏置鎮守名濟州關

水衝其西南隅又崩於河即故荏平縣也應劭曰荏山  
名也縣在山之平陸故曰荏平也王莽之功崇矣經曰

大河在其西鄧里渠歷其東全氏曰此蓋約舉即斯邑

也昔石勒之隸師權屯耕於荏平聞鼓角鞞鐸之聲於

是縣也而與聊城分河河水又與鄧里渠合水上承大

河於東阿縣西東運東阿縣故城北故衛邑也應仲瑗

曰有西故稱東魏封曹植為侯國朱氏謀璋箋曰按魏

東阿非大城北門內西側舉上有大井其巨若輪深六

丈歲嘗煮膠以貢天府本草所謂阿膠也故世俗有

阿井之名縣出佳繒繅故史記云秦昭王服太阿之劍

阿縞之衣也又東北運臨邑縣與將渠合又北運存平

縣東臨邑縣故城西北流入於河河水又東北流運四

瀆津津西側岸臨河有四瀆祠東對四瀆口河水東分

沛亦曰沛水受河也然榮口水斷石門不通始自是出

東北流運九里與清水合故沛瀆也自河入沛自沛入

淮自淮達江水徑周通故有四瀆之名也昔趙一清按

子世家及家語趙下當殺鳴犢仲尼臨河而歎自是而

有鞅字或簡子二字返曰丘之不濟名也夫琴操以為孔子臨狄水而歌曰

狄水行兮風揚波船楫顛倒更相加余按臨濟故狄也

是濟所運也得其通稱于氏欽齊乘曰朱子韓文考異

東北流四瀆津灌注之河水東分濟水至東阿荏平等縣

斷石門不通始自是出與清水合昔趙殺鳴犢孔子臨

河而歎作歌曰狄之風揚波合昔趙殺鳴犢更相加歸

來歸來胡為期臨濟深水也風揚波合昔趙殺鳴犢更相加歸

水經注卷五

水經注卷五

水經注卷五

水經注卷五

水經注卷五

此則分是濟水自榮澤之流以過臨濟而為狄水口然而復出河  
地在今濟鄆之間又史記平丘縣有臨濟亭故狄侯深趙簡子  
則其道不當出此又郡平丘縣有臨濟亭故狄侯深趙簡子  
水出陶丘北南被孟豬北濟注巨野也夫亭臨此瀆故也蓋濟  
濟枯秋時人所據此因渠注巨野也其所謂得巨野至王莽  
時枯與河水合流者乃齊縣之清河更名臨濟唐又通稱者  
濟也漢千乘郡別有狄縣之清河更名臨濟唐又通稱者  
是朝陽縣為臨濟今章丘之清河更名臨濟唐又通稱者  
東俗猶謂是城曰陽城矣河水又逕在平城東城內有  
故臺世謂之時平城非也蓋在時音相近耳

又東北過高唐縣東

河水於縣漯水注之水自城東北逕東武陽縣故城南

一清按此句文義難解蓋高唐漯水與東武陽水相  
承而有別禹貢錐指曰漢志東郡高唐縣下桑欽言  
漯水東出北至千乘入海又平原郡高唐縣下桑欽言  
畔入海而漯水受河引自黎陽宿胥口行漯川至長壽武陽也  
自周定王五年河徙從宿胥口行漯川至長壽武陽也  
與漯別其津以東西漯水之故道亦不為河所占而  
短矣然河之故瀆不經東武陽絕漯水而東迨漢成帝  
建始末河決館陶由東武陽絕漯水而東迨漢成帝  
絕漯水末河決館陶由東武陽絕漯水而東迨漢成帝  
始建國三年復決於此莽嘗塞治而故道猶存王莽  
永平中國王景復決於此莽嘗塞治而故道猶存王莽  
深陽再出於高唐據成帝以後言短矣深陽再出於高  
或在東武陽之故道又為河所占以後言短矣深陽再  
也或城東北上脫去涼字蓋河漯分流自涼城長壽津始  
或武水矣減洪為東郡太守治此曹操圍張超於雍丘  
應劭曰縣在武水之陽王莽之武昌也然則漯水亦



洪以情義請袁紹救之不許洪與紹絕紹圍洪城中無  
食洪呼吏士曰洪於大義不得不死諸君無事空受此  
禍衆泣曰何忍捨明府也男女八千餘人相枕而死洪  
不屈紹殺洪邑人陳容為丞謂曰寧與滅洪同日死不  
與將軍同日生紹又殺之士為傷歎令城四周紹圍郭  
猶存水匝隍墜於城東北合為一瀆東北出郭逕陽平  
縣之岡城西郡國志曰陽平縣有岡城亭又逕陽平縣  
故城東漢昭帝元平元年封丞相蔡義為侯國漯水又  
北絕莘道城之西北有莘亭春秋桓公十六年衛宣公  
使伋使諸齊令盜待于莘伋壽繼殞於此京相璠曰今

平原陽平縣北一十里有故莘亭道阨限蹊要自衛適  
齊之道也望新臺於河上感二子於宿齡詩人乘舟誠  
可悲矣今縣東有二子廟猶謂之孝祠矣漯水又東北

逕樂平縣故城東縣故清也漢高帝八年封空中於清  
沈氏曰漢表作室中徐廣云一作室中宣帝封許廣  
索隱曰室中姓也史表作空褚表樂平班表作樂成屬  
少第翁孫於樂平沈氏曰褚表樂平班表作樂成屬  
一清按此是褚表之繆而道元誤承之者漢表樂成屬  
許延壽翁孫也延壽字也褚少孫以為樂平樂成屬  
封邑非翁孫也詳具漳水篇吾於此更有平樂平樂  
東郡清縣師古註引應劭曰章帝更此名樂平夫樂平  
始自章帝則何以宣帝時封邑即有此稱且班固於外  
皆事之澤侯霍山臆測者至清本並為侯國王莽之清治  
屬東郡沈氏云平原亦誤也

水經注釋 卷五 三

矣漢章帝建初中更從今名也漂水又北逕聊城縣故城西城內有金城周匝有水南門有馳道絕水南出自外泛舟而行矣東門側有層臺秀出雲表魯仲連所謂還高唐之兵卻聊城之衆者也  
一清按寰宇記博州聊文所立為鄴東之表水經曰武水東流  
從石柱北是也今本無之蓋缺失矣  
**漂水又東北逕清河縣故城北**  
地理風俗記曰甘陵故清河清河在南一十七里今於甘陵縣故城東南無城以擬之直東二十里有艾亭城東南四十里有此城疑即清河城也後蠻居之故世稱蠻城也  
**漂水又東北逕文鄉城東南又東北逕博平縣故城南**  
有層臺秀上王莽改之曰加睦

也右與黃溝同注川澤黃溝承聊城郭水水泛則津注水耗則輟流自城東北出逕清河城南又東北逕攝城北春秋所謂聊攝以東也俗稱郭城非也城東西三里南北二里東西隅有金城城卑下墟郭尚存左右多墳壠京相璠曰聊城縣東北三十里有故攝城今此城西去聊城二十五六里許即攝城者也  
**又東南逕王城北**  
魏太常七年安平王鎮平原所築世謂之王城太和二十三年罷鎮立平原郡治此城也  
日按魏書地形志所謂太平鎮者也但據志則以太和十一年分屬濟州非二十三年置也蓋罷鎮在是年而平原之為黃溝水又東北迤左與漂水隱覆勢鎮河陸郡固久矣

東出於高唐縣大河右迤東注深矣地理志桑欽曰深  
 水出高唐余按竹書穆天子傳稱丁卯天子自五鹿東  
 征釣於深水以祭淑人是曰祭丑巳巳天子東征食馬  
 於深水之上尋其沿歷逕趣不得近出高唐也桑氏所  
 言蓋津流出次於所間也俗以是水上承於河亦謂之  
 源河矣禹貢錐指曰源河乃深之再出者桑欽推知出  
 為二深由深陰縣故城北武陽則深矣河既與深合復分  
 唐以西南至武陽縣故城北武陽則深矣河既與深合復分  
 深在西南而河在北矣今禹城縣南有源陽故城東至海則  
 源河之北故名一清按上條經云又有源陽故城東至海則  
 東武陽謀之而漢志則引桑欽之語以為深出焉鄰以  
 出高唐後人猶指水經為桑欽之作豈其然乎深又東  
 北逕援志一作瑗漢縣故城西王莽之東順亭也杜預釋

地曰濟南祝阿縣西北有援城深水又逕高唐縣故城  
 東昔齊威王使盼子守高唐趙人不敢漁於河即魯仲  
 連子謂田巴曰今楚軍南陽趙伐高唐者也春秋左傳  
 哀公十年趙鞅帥師伐齊取黎及轅毀高唐之郭杜預  
 曰轅即援也祝阿縣西北有高唐城深水又東北逕深  
 陰縣故城北縣故黎邑也一清按春秋漢武帝元光三  
 年封匈奴降王昆邪為侯國王莽更名翼成歷北深陰  
 城南伏琛謂之深陽城一清按是注可與南有魏沅州  
 刺史劉岱碑地理風俗記曰平原深陰縣今巨深亭是  
 也深水又東北逕著縣故城南一清按漢志濟南郡著  
 縣師古曰音竹庶反又

水經注釋 卷五 深水

音直庶反而韋昭誤以為著龜又東北逕崔氏城北春  
之著字乃音紀咨反失之遠矣秋左傳襄公二十七年崔城成請老崔氏者也杜預釋

地曰濟南東朝陽縣西北有崔氏城漂水東北逕東朝  
陽縣故城南漢高帝六年沈氏曰本封都尉華寄為侯表是七年

國地理風俗記曰南陽有朝陽縣故加東地理志曰王

莽之修治也一清按漢志濟南郡朝陽縣應劭曰在朝

云從朝陽橋濟河以渡章懷注始如東字後漢書耿弇傳

亦見濟漂水又東逕漢徵君伏生墓南碑碣尚存以明

經為秦博士秦坑儒士伏生隱焉漢興教於齊魯之間文

帝撰五經尚書大傳安車徵之年老不行乃使掌故

陽生等受尚書於徵君號曰伏生者也漂水又東逕鄒  
平縣故城北古鄒侯國舜後姚姓也又東北逕東鄒城  
北地理志曰千乘郡有東鄒縣漂水又東北逕建信縣  
故城北漢高帝七帝年封婁敬為侯國應劭曰臨沛縣

西北五十里有建信侯城都尉治故城者也全氏曰婁

侯號建信耳是虛名非侯國也故史漢表中俱不列  
封爵而地志亦不稱建信縣為侯國然應劭載有建信  
未嘗不有邑蓋敬所食邑在建信故以名其城焉  
漂水又東北逕千乘縣二城間漢高帝六年以為千乘

郡王莽之建信也章帝建初四年為王國和帝永元七  
年改為樂安郡故齊地伏琛曰千乘城在齊城西北一

百五十五隔會水即漂水之别名也又東北為馬常坑  
一清按馬常坑即坑東西八十里南北三十里亂河枝  
流而入於海河海之饒茲焉為最地理風俗記曰漂水  
東北至千乘入海河盛則通津委海水耗則微涓絕流  
書浮于濟漂亦是水者也禹貢錐指曰此自西漢末

又東北過楊虛縣東商河出焉

地理志曰楊虛平原之隸縣也一清按漢志平原郡有  
乃楊之謫當以水經注之正然功臣表元帝封樓虛侯  
訾順而范史馬武亦封楊虛侯續志無樓虛并抑或原  
似是明帝以後所省樓虛始建旋復故稱殆乎廢并杏爾  
是楊虛後改樓虛東京始建旋復故稱殆乎廢并杏爾  
無聞如以為漢景帝四年以封齊悼惠王子將盧為侯  
誤殆不然矣

國也一清按景帝史漢表皆作文帝城在高唐城之西

南經次於此是不比也商河首受河水亦漂水及澤水

所潭也淵而不流世謂之清水自此雖沙漲填塞厥迹

尚存歷澤而北俗謂之落里坑逕張公城西又北重源

潛發亦曰小漳河商漳聲相近故字與讀移耳一清按

縣志云漢鴻嘉四年河水泛溢河隄都尉許商鑿此河

通海故以商為名禹貢錐指曰商河行大河之南漂水

之北段次於四瀆津之下高唐漂商河又北逕平原縣

東又逕安惠縣故城南又東北逕平昌縣故城南又東

逕般縣故城南又東逕樂陵縣故城南漢宣帝地節四

年封侍中史子長為侯國全氏曰按褚表商河又東逕

初鄉縣故城南高后八年封齊悼惠王子劉辟光為侯

沈氏曰按本表是文帝四年封王莽更之曰張鄉也應劭曰般縣東

南六十里有初鄉城故縣也沙溝水注之水南出大河

之陽泉源之不合河者二百步其水北流注商河商河

又東北流逕馬嶺城西北流屈而東注南轉運城東城

在河曲之中東海王越斬汲桑於是城全氏曰此語出

并州乞活田甄田商河又東北逕富平縣故城北地理

志曰侯國也王莽曰樂安亭應劭曰明帝更名闕駟曰

厭次縣本富平侯車騎將軍張安世之封邑非也按漢

書昭帝元鳳六年封右將軍張安世為富平侯薨子延

壽嗣國在陳留別邑在魏郡陳留風俗傳曰陳留尉氏

縣安陵鄉故富平縣也是乃安世所食矣歲入租千餘

萬延壽自以身無功德何堪久居先人大國上書請減

戶天子以為有讓徙封平原并食一邑戶口如故而稅

減半十三州志曰明帝永平五年改曰厭次矣按史記

高祖功臣侯者年表高帝六年封元頃為侯國徐廣音

義曰漢書作爰類全氏曰九是知厭次舊名非始明帝

蓋復故耳志一清按疎忽之甚耳縣西有東方朔冢冢側

有祠祠有神驗水側有雲城漢武帝元封四年封齊孝

王子劉信為侯國也一清按索隱曰志屬瑯琊又商河

又分為二水南水謂之長藪溝東流傾注於海一清按郡國志

平原郡高縣劉昭補註引魏都賦溝南海側有蒲臺臺

曰縣有蓋節淵豈即長藪溝乎高八丈方二百步三齊略記曰高城東南有蒲臺秦始

皇東遊海上於臺下蟠蒲繫馬至今歲蒲生縈委若有

繫狀似水楊可以為箭今東去海三十里北水世又謂

之百薄瀆東北流注於海水矣一清按全氏校本於此

縣東經文一條予謂非也上文注云城在高唐城之西

南經次於此是東北也則經文楊虛宜在高唐之前矣

而下文大河又東北經之誤文義遂覺垂隔云耳又東北逕高唐縣故城西春秋左傳襄公十九年齊靈

公廢太子光而立公子牙以夙沙衛為少傅齊侯卒崔

杼逆光光立殺公子牙于句瀆之丘衛奔高唐以叛京

相璠曰本平原縣也齊之西鄙也大河逕其西而不出

其東經言出東誤耳大河又北逕張公城臨側河湄魏

青州刺史張一清按張下失其名魏青州後魏之東青

原禹臨濟荏平廣宗高唐六縣屬齊州不屬青州隋書

地理志平原郡平原縣下云後魏置東青州未久而廢

史記正義曰德州平原縣南六十里有張公城水東

有津焉俗名張公津恐此平原郡古津也魏書張彘傳

曾祖幸位青州刺史祖準之為東青州刺史東青州

暫置旋廢未必更有一張姓者蒞其土或即是彘之祖

未可知也張公云貴治此故世謂之張公城水有津焉名

之曰張公渡河水又北逕平原縣故城東地理風俗記

曰原博平也故曰平原矣縣故平原郡治矣漢高帝六

年置王莽改曰河平也晉灼曰齊西有平原河水東北  
 過高唐高唐即平原也故經言河水逕高唐縣東非也  
 按地理志曰高唐深水所出平原則篤馬河導焉明平  
 原非高唐大河不得出其東審矣大河右溢世謂之甘  
 棗溝水側多棗故俗取名焉河盛則委泛水耗則輟流  
 故潰又東北歷長隄逕深陰縣北東逕著城北東為陂  
 淀淵潭相接世謂之穢野薄河水又東北逕陽阿縣故  
 城西漢高帝六年封郎中萬訢為侯國應劭曰深陰縣  
 東南五十里有陽阿鄉故縣也一清按漢志上黨郡有  
 陽阿縣非河水逕流之  
 地平原郡有陽阿縣與深陰縣相近萬訢史漢表皆無  
 其姓名表有陽河齊侯其石索隱曰縣名屬上黨是知

又東北過深陽縣北

河字誤也當作陽阿陽阿與阿陽其文互易因致混淆  
 漢書孝成趙皇后傳云屬陽阿主家師古曰陽阿平原  
 之縣也今俗書阿字為河又或為河陽皆後人所改  
 耳方輿紀要濟南府臨邑平原著盧此即縣南漢縣屬  
 秦縣漢書灌嬰收著深陰平原著盧此即縣南漢縣屬  
 在縣西十里本齊之穽田記云阿陽城在縣南漢縣屬  
 原郡後漢省太平寨宇記云阿陽城在縣南漢縣屬  
 里漢魏以下却改為陽阿然則阿陽城在縣南漢縣屬  
 氏既誤記陽阿難也書成一而手隔越不為阿陽縣南  
 下訢為證一事兩隸已書成一而手隔越不為阿陽縣南  
 繆信乎撰述之難也石封邑按訢封邑宜不為阿陽縣南  
 之陽阿本漢齊侯其也石封邑按訢封邑宜不為阿陽縣南  
 則以世本漢書多侯其也石封邑按訢封邑宜不為阿陽縣南  
 今實數之本漢書多侯其也石封邑按訢封邑宜不為阿陽縣南  
 道元既記於此百三脫失是以班固云高祖不見於史  
 此作萬訢於此百三脫失是以班固云高祖不見於史  
 不妨兩存沁水篇又作訢萬古省作萬與下字相耶但  
 疑義耳



河水自平原左逕安惠城東而北為鹿角津東北逕般縣樂陵初鄉厭次縣故城南為厭次河漢安帝永初二

年劇賊畢豪等數百乘船寇平原縣令劉雄門下小吏

所輔浮舟追至厭次津與賊合戰並為賊擒輔求代雄

豪縱雄於此津輔一清按輔下有脫文范史劉茂傳豪

應沒其可謂孝盡愛敬義極君臣矣河水右逕深陰縣

故城北王莽之臣武縣也一清按此北深陰也伏琛之

脫去深陽縣故并王莽所改臣武之名亦失之今本漢書

孫潛夫校本作巨武巨字是也前北深陰注引地理風

武水故新莽有巨武之稱河水又東北為深沃津在深

沃縣故城南王莽之延亭者也地理風俗記曰千乘縣

西北五十里有大河河北有深沃城故縣也魏改為後

部亭今俗遂名之曰右輔城河水又東逕千乘縣故城

北伏琛之所謂千乘北城者也

又東北過利城縣北一清按漢志齊郡利縣又東北過甲

下邑濟水從西來注之又東北入于海

河水又東分為二水枝津東逕甲下城南東南歷馬常

坑注濟經言濟水注河非也河水自枝津東北流逕甲

下邑北世謂之倉子城又東北流入於海淮南子曰九

折注於海而流不絕者崑崙之輸也尚書禹貢曰夾右

碣石入於河山海經曰碣石之山繩水出焉東流注於

河河之入海舊在碣石今川流所導非禹瀆也周定王  
 五年河徙故瀆故班固也曰商竭周移也又以漢武帝  
 元光二年河徙東郡更注勃海是以漢司空掾王瓚清  
 按漢書儒林傳琅邪王橫平仲言曰往者天嘗連兩東  
 傳古文尚書溝洫志亦作王橫仲言曰往者天嘗連兩東  
 北風海水溢西南出寢數百里故張君云禹貢雖指曰  
 禹貢正義並引張氏地理志張揖按隋書經籍志有魏博  
 張君耶程大昌以為張揖按隋書經籍志有魏博士張  
 揖撰廣雅二卷而無張氏碣石在海中蓋淪於海水也  
 地理志未審張君是揖否碣石在海中蓋淪於海水也  
 禹貢錐指曰按道元卒於魏孝昌二年歲在丙午而文  
 齊文登乃在碣石之前此未聞營州有碣石之疑是時  
 宣歙石已亡故假營州臨海之營州有碣石之疑是時  
 之碣石已亡故假營州臨海之營州有碣石之疑是時  
 然豈有舍此之亡當在魏齊之世而後登碣石者無聞焉  
 推測碣石之亡當在魏齊之世而後登碣石者無聞焉

也間昔燕齊遼曠分置營州今城屆海濱海水北侵城垂

淪者半王瓚之言信而有徵碣石入海非無證矣

曰薛氏曰海漸入海處舊在平州石城縣東望碣石其後  
 大風逆河皆漸於海舊道堙矣又曰百里河漸之已為  
 連兩東北風漸於海舊道堙矣又曰百里河漸之已為  
 海所漸矣九河為然及讀薛氏語始知未為不痛  
 詆之而百詩獨為余堙塞耳而橫云為海所漸則未  
 領之而百詩獨為余堙塞耳而橫云為海所漸則未  
 我之心又曰九河為然及讀薛氏語始知未為不痛  
 昌云鄴道元亦謂九河為然及讀薛氏語始知未為不痛  
 按鄴氏三言碣石淪於海間樂成以東不從橫說第五  
 河注云自碣石東於海間樂成以東不從橫說第五  
 多往時存此卷漳水注云光九河間樂成以東不從橫  
 往時存此卷漳水注云光九河間樂成以東不從橫  
 碣石連舉遂使鄴亭鄭康成所可怪也一口清而程氏  
 引王橫之舉遂使鄴亭鄭康成所可怪也一口清而程氏  
 從刑削卓見特識得東樵為之九河可怪也一口清而程氏  
 季宣字士龍永嘉人宋史儒林有傳焦氏經籍志書古

水經注釋卷五  
薛季宣撰著

水經注釋卷五



